

華嚴合論

二十五

C40  
4514  
(3)

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-4514



B 64853

大方廣佛新華嚴經合論卷第二十一

唐于闐國三藏沙門實義難陀譯經

唐太原方山長者李通玄造論

唐福州開元寺沙門志寧釐經合論

華藏世界品第五之一

〔論〕將釋此品略作十門分別一釋品來意二釋品名目三釋華藏世界海因何報得四釋華藏世界形狀安立五配華藏世界安立屬因六釋華藏世界海純禪無礙七釋華藏世界海圓攝三世業境八釋華藏世界本空出生所緣九明華藏世界因

支那

東京大學総合図書館蔵

何得隱現自在十隨文釋義一釋品來意者此品答前三十七問中佛世界海眾生海波羅蜜海等此品舉如來五位中行業因果報得答前三十七問故此品須來二釋品名目者爲說此佛境報得之土蓮華所持含藏一切淨穢境界皆在其中故名華藏三釋華藏世界因何報得者以從初信心至於八地已來恒以大志願力持令其不退菩提諸波羅蜜海教化饒益一切眾生至於八地任利無功當知風輪是大願波羅蜜所成報故眾生世間妄想業風所持如來世間以大願力智風能持

諸境爲以智能隨願願能成智還以大願灑身大智之所報成風輪之體若不灑身一切諸行總有爲故若無志願灑身無性不能自成何況成他以此三事爲緣方堪利生不滯空有進修功契任利無功且取初因大願爲首令持萬境總以大願智風以爲持境是故此品下文普散摩尼妙寶華以管願力空中住如是華藏世界所有莊嚴總是風輪上持諸境由諸福行本從願生還將本因以持諸果以此用願波羅蜜能成一切諸波羅蜜海以本因如此故因果相持今以第八及初發心時

願波羅蜜中十波羅蜜以成十種風輪用持其上  
十種一切莊嚴以願波羅蜜互體相參能持其上  
諸行報得一切莊嚴如最下風輪各平等是願波  
羅蜜中檀波羅蜜報得故能持其上一切寶燄熾  
然莊嚴還是願波羅蜜中檀度門灑財惠施之所  
報生還自相持因果相徹灑不虛得因不唐捐以  
次准此用願波羅蜜中十度灑門配之十種風輪  
報得因果相持故還如衆生世間妄想業風最居  
其下上持水際金剛地山令其安住亭象玄炁以  
成天文運遊不墮蓮華藏體是灑身隨行無依住

智體之所報得及宮殿總大悲含育之所報得樓  
閣卽是智契觀根順悲濟物之所報得其地金剛  
平等自性灑身之所報得但是諸莊嚴中所有金  
剛爲莊嚴者皆灑身隨行之報但是摩尼莊嚴皆  
灑身成戒體隨行報得金剛輪圍山卽是大悲戒  
防護之業之所報得衆華莊嚴者萬行利生開敷  
衆善之所報得故寶樹莊嚴者建行利生覆蔭含  
識之所報得如十行位中功德林等十箇菩薩下  
名悉同名之曰林爲行覆蔭故師子座莊嚴者卽  
是以灑身隨智建灑輪報得故略而言之且復如

是廣說報業所因不可具悉夫報不虛得皆有所因若不知因云何修果是故此品之初云此華藏莊嚴世界海是毗盧遮那如來往咎於世界海微塵數佛一一佛所淨修世界海微塵數大願之所嚴淨但云願者爲行由願成又下云普賢智地行悉成一切莊嚴從此出如香水海大慈悲業之所報得香水河是進修之行之所報得如下文殊師利常隨衆中總以名表灑卽見名知行如此華藏世界海見果知因不可別引餘經將來證此此經見名卽知灑見果卽知因方可識此經之意趣餘

經灑相門戶多不與此經相應餘經云苦諦此經云苦聖諦卽義有餘餘經說四諦此經說十種聖諦及十二因緣若廣說無量差別不可卒申以是義故此配因果不可引於餘教配此經文此經見名知行以果識因如文殊師利常隨之衆云明練十方儀式主方神除滅無明黑闇主夜神一心匪懈闡明佛日主晝神卽其例矣此華藏世界報得之體大要總言大願灑身大智萬行大慈大悲以此五事成滿盡灑界虛空界乃至塵毫之內重重利海中一切衆生行皆悉等利至八地任用無

功自常克徧以此爲體非是滯寂自安及人天自求樂果者之所境界故亦非樂生淨土菩薩者境界故此淨土菩薩設修六波羅蜜得六神通亦未能生信故爲本不以灑界根本智差別智乘發生信進修行故四釋華藏世界海形狀者以無盡大願風輪持大悲水生無邊行華以灑性虛空能容萬境重疊無礙於其水上生一大蓮華周空灑界名種種藥香幢明根本智起差別智行差別行名藥香幢於蓮華內日珠王寶上有大輪圍山經云日珠王蓮華之上者只是華內有寶名日珠王非

別有華也具寶所成林樹香水妙華開敷經自有文具陳其事其華內地金剛所成地具眾寶間錯嚴飾經自具言於其地上無數香水海眾寶爲底如經具說一一香水海外各有四天下微塵數香水河右旋圍遶從南向東以次遶之如六甲等爲右其河嚴飾經自具言於不可說香水海中一一海內各有一大世界種而住其中其世界種者同流所居名之曰種種者類也如先德釋云三千大千世界數至恒沙爲一世界海世界數至恒沙爲一世界性性數至恒沙爲一世界種此中世界

種有不可說佛刹微塵數一一香水海中各有其一世界種如經且略舉世界種於最中心香水海名名無邊妙華光明中道智慧之妙用爲作名也卽是風輪向上種種藥香幢大蓮萼之內處中香水海也此中海內出大蓮萼名一切香摩尼王莊嚴有世界種於中而住名普賢十方熾然寶光明此世界種上下有二十重世界各各相忞佛刹微塵數此娑婆世界在第十三重中最下重中有佛刹微塵數世界周匝遠次上重有二佛刹塵次上重中三佛刹塵數世界周匝圍遶一重增一至

最上二十重有二十佛刹微塵數世界圍遶如是周旋通中心有十一箇世界種各有二十重上下相忞遠近相似此十一箇世界種外周圍至輪圍山復有一百箇世界種隨方各十於中布列直往隨方行列而住近輪圍山周匝十箇世界種各各上下四重重數雖少上下相忞極遠每第三重與此娑婆世界齊等最上重或言相忞七佛刹塵向下第二重與下相忞多言十佛刹微塵數計四重世界還與中心十一箇二十重世界種高下齊等此近輪圍山十箇世界種卽有四重餘九十箇世

界種不言重數且略舉世界種中心有十一箇世界種周圍有一百箇世界種共有一百一十一箇世界種如天帝網分布而住大都總數有不可說佛刹微塵數諸世界種總於種種藥香幢大蓮華之上諸香水海各出蓮華諸世界種各各而住卽於其大華之上別華而居卽是第二重各別蓮華之上布剎而住最下有須彌山微塵數風輪而持其上種種莊嚴及持其上重重世界猶如日月眾星以風所持處空而住餘廣者經自有文若廣引文繁恐當不見略陳綱紀麤而言之五配華藏世界

界海安立屬因者夫果不自生從因而得經云廣大願雲周灑界於一切幼化羣生普賢智地行悉成所有莊嚴從此出如經總舉不可說佛刹微塵數世界種者明普賢行攝化之境徧灑界故卽是座內眾窟間眾所行覺行報得之境總是都舉果行圓周之境於彼但言佛世界微塵眾對不可說佛刹微塵數於彼是略舉數此是廣數如說普賢之行且但言萬行此是略言意在無盡等灑界行也卽此二重舉果中普賢滿行卽如座內眾窟間眾卽此華藏莊嚴世界海不可說佛刹微塵世界

種如天帝網分布在種種藥香幢大蓮華之中是其彼果行所攝生報滿果所得之境今在經中不舉大數但舉中心十一箇世界種上下二十重重別相忖一佛剎塵最下重世界各有一佛剎塵世界周而圍遶而住其中次上第二重中即云二佛剎世界周而圍遶次上第三重中即言三佛剎塵數世界周而圍遶以次向上一重加一直至最上重世界中有二十佛剎塵世界周而圍遶此中心十一箇世界種總皆如是此明十一地行門進修攝化境界報得中心十一箇即十一地報得上下

二十重漸漸增廣者明十一地行門中一地有兩重因果爲地地進修中皆一正果一向果其二十重中所有佛號皆是勝進中因果佛也所有世界是隨位中所化之境界也即明十一地進修攝化層降佛果故各隨位配之可見除此十一箇世界外周圍別舉出一百箇世界種者即明此十一地攝化十波羅蜜行徧輪圍山灑界內故且隨方次第各有其十都言一百明徧不可說佛剎塵境界滿故近金剛輪圍山周圍有十箇世界種上下有四重者明十一地中四攝灑徧故餘九十箇世界

撰述  
種不云重數者明但是十波羅蜜十中具百所攝  
化境故此是一箇因果竟自餘十箇四重世界配  
四攝灑夏作一配總舉中心十一箇世界種并周  
圍直至金剛輪圍山一百箇世界種總共有一百  
一十一箇世界種配十住十行十迴向十地十一  
地五位灑各有佛因果都有一百本五位中本自  
有十重因果爲本五位中各有兩重因果卽是十  
此爲本五位佛因果與五位中作進修故卽如此  
初會五位佛果是都有一百一十夏有一箇世界  
種爲明佛位是一徧一切中作一故若無此一位

諸位不成故又明緣生之灑皆須有一故緣生之  
灑始成如一三五七九與十作緣但置二四六八  
十具滿數故是圓數不可加減是佛灑世間灑皆  
相似故如一日三日五日七日九日皆一三五七  
九爲灑者成緣生無盡一多相徹故明其一者非  
同時無前後中間故爲一不自一與萬灑作一故  
爲萬灑不自多爲一作多故爲成緣起灑合如是  
一多自在無作任相成故如俗灑一爲陽二爲陰  
陽動陰隨不可自用陰若自用卽天地兩乖雲不  
與雨不施皆主伴陰陽動靜相順互爲主伴方成

緣生兩剛卽缺兩柔卽離爲不成濟故是如來出世意在利生真不隨俗故行無所設也德無所濟也卽佛自佛衆生自衆生若爲利生施設灑則卽佛爲陽德所設教爲陰是故此經名爲圓教佛處坎之一而設教卽十以坎爲師卦故是故普賢菩薩爲明設教利生因果緣起灑須自在不滯緣生故舉一百一十一世界種配其五位因果有一百一十之門爲攝生報得有一箇世界種明其佛位與五位及一切諸行作多故還如禰間之衆勝音菩薩獨坐蓮華臺諸菩薩衆坐其華鬘明主伴萬

行一多相卽故定慧觀之可見十下作一是其士字明仁士之灑灑合十一今以十一箇世界安立十一地灑門四重世界明十波羅蜜四攝灑之方便大意舉前座內衆及禰間衆明其所行之行此華藏世界明彼行中報得依果於中襍類世界卽明所攝之衆生同住一處而境各異者約灑界理智真俗不殊六釋華藏世界純襍無礙者爲佛所行之行徧灑界衆生界故旣是行徧所得依果亦徧但業不相應者同住居而不見猶如靈神及諸鬼趣與人同處人不能見如經云譬如人身常有

二天隨逐天常見人人不見天此經爲佛行周徧  
依正亦徧不同三乘推淨土於餘方而致來來自  
他之相爲彼小心根劣者且如是設教綱故畢竟  
求大菩提心者還須歸此不二之門與徧周灑界  
之行願也七明華藏世界圓攝三世業境者此華  
藏世界海明此教灑一念三世故一念者爲無念  
也無念卽無三世古今等灑以明灑身無念一切  
衆生妄念三世多劫之灑不離無念之中以是義  
故此華藏世界所有莊嚴境界能現諸佛業衆生  
三世所行行業因果總現其中或過去業現未來

中或未來業現過去中或過去未來業現現在中  
或現在業現過去未來中如百千明鏡俱懸四面  
前後影像互相徹故爲灑界之體性無時故妄計  
三世之業頓現無時灑中是故經言智入三世而  
無來往經云佛子汝應觀刹種威神力未來諸國  
土如夢悉令見十方諸世界過去國土海咸於一  
刹中現像猶如化三世一切佛及以其國土於一  
刹種中一切悉觀見論主頌曰三世無有時妄計  
三世灑以真無妄想一念現三世三世無時者亦  
無有一念計著三世灑總現無時中了達無時灑

一念成正覺八釋佛國本空何為華藏世界出生  
所緣者緣何事意緣意有四一為明二乘雖得解  
脫三界麤業無有福智不利眾生滯於涅槃二為  
三乘菩薩有樂生淨土淨相常存障濔性如理染  
淨當情知見不普情存淨土不得自在不如此濔  
隱現自在為利眾生顯勝福德故即具相萬差矣  
明顯暖若令眾生情無取著如幻雲散一物便無  
無有所得存其繫故三為怖一切濔空眾生為濔  
空無相之理謂言斷見空無福智不樂觀空樂取  
相縛隨境存業不能解脫者所現福德依正果故

令觀空濔空卻無明成福德業四總為一切三乘  
及一切凡夫現廣大願行福智境界量度樣式令  
其做學不偏執故經云諸佛國土如虛空無等無  
生無有相為利眾生普嚴淨本願力故住其中九  
明華藏世界因何得隱現自在者為從一切濔空  
之理隨智現故得隱現自在世間龍鬼具有三毒  
猶能隱現何況濔空空諸三毒純清淨智不能隱  
現自在如善財入彌勒樓閣以三昧力具見眾莊  
嚴從三昧起忽然不見一相都無善財白言此莊  
嚴何處忞彌勒答言從來處忞曰從何處來曰從

菩薩智慧神通來依菩薩智慧神力而住無有忒處亦無住處非集非常遠離一切又如幻師作諸幻事無所從來無所至忒雖無來忒以幻力故分明可見彼莊嚴事亦復如是無所從來亦無所忒雖無來忒然以慣習不可思議幻智力故及往昔大願力故如是顯現華藏世界亦復如是以如來大願智力灑性自體空無性力隱現自在若隨灑性萬相都無隨願智力眾相隨現隱現隨緣都無作者但以理智灑爾自具不思議功不思議變無能作者自在隱現凡夫執著作無明執障既無

智用自在順灑身萬象俱寂隨智用萬象俱生隨大悲常居生歿但隨理智生歿恒真以此三事隱顯萬端不離一真之智化儀百變十隨文釋義者此一品經長科爲十二段

經爾時普賢菩薩復告大眾言諸佛子此華藏莊嚴世界海是毗羅遮那如來往咎於世界海微塵數劫修菩薩行時一一劫中親近世界海微塵數佛一一佛所淨修世界海微塵數大願之所嚴淨諸佛子此華藏莊嚴世界海有須彌山微塵數風輪所持其最下風輪名平等住能持其上一切寶燄熾然莊嚴次

撰述  
上風輪名出生種種寶莊嚴能持其上淨光矣曜摩  
尼王幢次上風輪名寶威德能持其上一切寶鈴次  
上風輪名平等燄能持其上日光明相摩尼王輪次  
上風輪名種種普莊嚴能持其上光明輪華次上風  
輪名普清淨能持其上一切華燄師子座次上風輪  
名聲徧十方能持其上一切珠王幢次上風輪名一  
切寶光明能持其上一切摩尼王樹華次上風輪名  
速疾普持能持其上一切香摩尼須彌雲次上風輪  
名種種宮殿遊行能持其上一切寶色香臺雲諸佛  
子彼須彌山微塵數風輪最在上者名殊勝威光藏  
能持普光摩尼莊嚴香水海此香水海有大蓮華名  
種種光明藥香幢華藏莊嚴世界海住在其中四方  
均平清淨堅固金剛輪山周而圍遶地海眾樹各有  
區別是時普賢菩薩欲重宣其義承佛神力觀察十  
方而說頌言

世尊往咎於諸有

微塵佛所修淨業

故獲種種寶光明

華藏莊嚴世界海

廣大悲雲徧一切

捨身無量等剎塵

以咎劫海修行力

今此世界無諸垢

放大光明徧住空

風力所持無動搖

撰述

華嚴經論卷五

七

佛藏摩尼普嚴飾

如來願力令清淨

普嚴摩尼妙藏華

以普願力空中住

種種堅固莊嚴海

光雲垂布滿十方

諸摩尼中菩薩雲

普詣十方光熾然

光燄成輪妙華飾

灑界周流靡不徧

一切寶中放淨光

其光普照衆生海

十方國土皆周徧

咸令出苦向菩提

寶中佛數等衆生

從其毛孔出化形

梵主帝釋輪王等

一切衆生及諸佛

化現光明等灑界

光中演說諸佛名

種種方便示調伏

普應羣心無不盡

華藏世界所有塵

一一塵中見灑界

寶光現佛如雲集

此是如來刹自在

廣大願雲周灑界

於一切劫化羣生

普賢智地行悉成

所有莊嚴從此出

論第一爾時普賢菩薩已下長行有二十四行經

并二十行頌明歎佛往因行菩薩行修淨大願力

報得風輪以持華藏世界及衆莊嚴

經爾時普賢菩薩復告大衆言諸佛于此華藏莊嚴

世界海大輪圍山住日珠王蓮等之上梅檀摩尼以

支那

華嚴經論卷五

七

撰述  
華嚴總論卷三  
世  
爲其身威德寶王以爲其峯妙香摩尼而作其輪燄  
藏金剛所共成立一切香水流注其間衆寶爲林妙  
華開敷香艸布地明珠間飾種種香華處處盈滿摩  
尼爲網周巾垂覆如是等有世界海微塵數衆妙莊  
嚴爾時普賢菩薩欲重宣其義承佛神力觀察十方  
而說頌言

世界大海無有邊  
寶輪清淨種種色  
所有莊嚴盡奇妙  
此由如來神力起  
摩尼寶輪妙香輪  
及以眞珠燈燄輪  
種種妙寶爲嚴飾  
清淨輪圍所安住

堅固摩尼以爲藏  
閻浮檀金作嚴飾  
舒光發燄徧十方  
內外映徹皆清淨  
金剛摩尼所集成  
復雨摩尼諸妙寶  
其寶精奇非一種  
放淨光明普嚴麗  
香水分流無量色  
散諸華寶及栴檀  
衆蓮競發如衣布  
珍艸羅生悉芬馥  
無量寶樹普莊嚴  
開粲發藥色熾然  
種種名衣在其內  
光雲四照常圓滿  
無量無邊大菩薩  
執蓋焚香克灑界  
悉發一切妙音聲  
普轉如來正灑輪

撰述  
華嚴經疏卷五

諸摩尼樹寶珠成一寶珠現光明

毗盧遮那清淨身悉入其中普令見

諸莊嚴中現佛身無邊色相無央數

悉往十方無不徧所化眾生亦無限

一切莊嚴出妙音演說如來本願輪

十方所有淨刹海佛自在力咸令徧

論二爾時已下有八行半經并二十行頌明歎蓮

華之上寶輪圍山具眾嚴飾由如來神力所生

經爾時普賢菩薩復告大眾言諸佛子此世界海大

輪圍山內所有大地一切皆以金剛所成堅固莊嚴

不可沮壞清淨平坦無有高下摩尼為輪眾寶為藏

一切眾生種種形狀諸摩尼寶以為間錯散眾寶珠

布以蓮萼香藏摩尼分置其間諸莊嚴具克徧如雲

三世一切諸佛國土所有莊嚴而為校飾摩尼妙寶

以為其網普現如來所有境界如天帝網於中布列

諸佛子此世界海地有如是等世界海微塵數莊嚴

爾時普賢菩薩欲重宣其義承佛神力觀察十方而

說頌言

其地平坦極清淨安住堅固無能壞

摩尼處處以為嚴眾寶於中相間錯

撰述  
善廣經論卷三

金剛為地甚可悅 寶輪寶網具莊嚴

蓮華布上皆圓滿 妙衣彌覆悉周徧

菩薩天冠寶纓珞 悉布其地為嚴好

栴檀摩尼普散中 咸舒離垢妙光明

寶華發燄出妙炎 炎燄如雲煖一切

散此妙華及眾寶 普覆於地為嚴飾

密雲興布滿十方 廣大光明無有盡

普至十方一切土 演說如來甘露灑

一切佛願摩尼內 普現無邊廣大劫

最勝智者答所行 於此寶中無不見

其地所有摩尼寶 一切佛刹咸來入

彼諸佛刹一一塵 一切國土亦入中

妙寶莊嚴華藏界 菩薩遊行徧十方

演說大士諸弘願 此是衛場自在力

摩尼妙寶莊嚴地 放淨炎明備眾飾

克滿灑界等虛空 佛力自然如是現

諸有修治普賢願 入佛境界大智人

能知於此刹海中 如是一切諸神變

論三爾時已下十行半經并二十行頌歎輪圍山

內平地金剛所成具足眾寶間錯其地華網莊嚴

支那

經爾時普賢菩薩復告大衆言諸佛子此世界海大地中有不可說佛刹微塵數香水海一切妙寶莊嚴其底妙香摩尼莊嚴其岸毗盧遮那摩尼寶王以爲其網香水映徹具衆寶色充滿其中種種寶華旋布其上栴檀繡練澄迤其下演佛言音放寶光明無邊菩薩持種種蓋現神通力一切世界所有莊嚴悉於中現十寶階陛行剎分布十寶欄楯周帀圍遶四天下微塵數一切寶莊嚴芬陀利華敷榮水中不可說百千億那由他數十寶尸羅幢恒河沙數一切寶衣鈴網幢恒河沙數無邊色相寶華樓閣百千億那由

他數十寶蓮華城四天下微塵數衆寶樹林寶燄摩尼以爲其網恒河沙數栴檀香諸佛言音光燄摩尼不可說百千億那由他數衆寶垣牆悉共圍遶周徧嚴飾爾時普賢菩薩欲重宣其義承佛神力觀察十方而說頌言

此世界中大地上

有香水海摩尼嚴

清淨妙寶布其底

安住金剛不可壞

香藏摩尼積成岸

日燄珠輪布若雲

蓮華妙寶爲纓珞

處處莊嚴淨無垢

香水澄淨具衆色

寶華旋布放光明

普震音聲聞遠近

以佛威神演妙灑

階陛莊嚴具眾寶

復以摩尼為間飾

周迴欄楯悉寶成

蓮華珠網如雲布

摩尼寶樹列成行

華藻較榮光赫奕

種種樂音恒競奏

佛神通力令如是

種種妙寶芬陀利

較布莊嚴香水海

香燄光明無暫停

廣大圓滿皆克徧

明珠寶幢恒熾盛

妙衣垂布為嚴飾

摩尼鈴網演灑音

令其聞者趣佛智

妙寶蓮萼作城郭

眾彩摩尼所嚴瑩

真珠雲影布四隅

如是莊嚴香水海

垣牆繚繞皆周匝

樓閣相望布其上

無量光明恒熾然

種種莊嚴清淨海

毗盧遮那於往昔

種種刹海皆嚴淨

如是廣大無有邊

悉是如來自在力

論四爾時已下一十六行半經二十行頌明金剛

寶地有眾香水海眾寶為底妙香嚴岸具眾莊飾

經爾時普賢菩薩復告大眾言諸佛子一一香水海

各有四天下微塵數香水河右旋圍遶一切皆以金

剛為岸淨光摩尼以為嚴飾常現諸佛寶色光雲及

撰述

華嚴經論卷二十一

諸眾生所有言音其河所有漩瀆之處一切諸佛所  
修因行種種形相皆從中出摩尼為網眾寶鈴鐸諸  
世界海所有莊嚴悉於中現摩尼寶雲以覆其上其  
雲普現華藏世界毗盧遮那十方化佛及一切佛神  
通之事復出妙音稱揚三世佛菩薩名其香水中常  
出一切寶燄炎雲相續不絕若廣說者一一河各有  
世界海微塵數莊嚴爾時普賢菩薩欲重宣其義承  
佛神力觀察十方而說頌言

清淨香流滿大河

金剛妙寶為其岸

寶珠為輪布其地

種種嚴飾皆珍好

寶階行列妙莊嚴

欄楯周迴悉殊麗

真珠為藏眾華飾

種種纓鬘共垂下

香水寶炎清淨色

恒吐摩尼競疾流

眾華隨浪皆搖動

悉奏樂音宣妙灑

網罽栴檀作泥塗

一切妙寶同洄瀆

香藏氤氳布在中

發燄流芬普周徧

河中出生諸妙寶

悉放光明色熾然

其炎布影成臺座

華蓋珠纓皆具足

摩尼王中現佛身

光明普映十方刹

以此為輪嚴飾地

香水映徹常盈滿

支那

華嚴經論卷二十一

摩尼爲網金爲鐸

徧覆香河演佛音

克宣一切菩提道

及以普賢之妙行

寶岸摩尼極清淨

恒出如來本願音

一切諸佛曩所行

其音普演皆令見

其河所有漩流處

菩薩如雲常踊出

悉往廣大刹土中

乃至灑界咸克滿

清淨珠王布若雲

一切香河悉彌覆

其珠等佛剎間相

炳然顯現諸佛影

論五爾時已下十二行半經二十行頌明各各香

海具衆香河其河底岸具諸嚴飾右旋遶海

經爾時普賢菩薩復告大衆言諸佛子此諸香水河

兩間之地悉以妙寶種種莊嚴一一各有四天下微

塵數衆寶莊嚴芬陀利華周徧滿各有四天下微

塵數衆寶樹林次第行列一樹中恒出一切諸莊

嚴雲摩尼寶王燦耀其間種種華香處處盈滿其樹

復出微妙音聲說諸如來一切劫中所修大願復散

種種摩尼寶王徧其地所謂蓮華輪摩尼寶王香

燄炎雲摩尼寶王種種嚴飾摩尼寶王現不可思議

莊嚴色摩尼寶王日光明藏摩尼寶王周徧十方

普坐布炎網雲摩尼寶王現一切諸佛神變摩尼寶

撰述

華嚴經論卷五

王現一切衆生業報海摩尼寶王如是等有世界海微塵數其香水河兩間之地一一悉具如是莊嚴爾時普賢菩薩欲重宣其義承佛神力觀察十方而說  
頌言

其地平坦極清淨 眞金摩尼共嚴飾

諸樹行列蔭其中 聳榦垂條萃若雲

枝條妙寶所莊嚴 華燄成輪炎四熒

摩尼爲果如雲布 普使十方常現觀

摩尼布地皆克滿 衆華寶株共莊嚴

復以摩尼作宮殿 悉現衆生諸影像

諸佛影像摩尼王 普散其地靡不周

如是赫奕徧十方 一一塵中咸見佛

妙寶莊嚴叢分布 眞珠燈網相間錯

處處悉有摩尼輪 一一皆現佛神通

衆寶莊嚴放大光 光中普現諸化佛

一一周行靡不徧 悉以十力廣開演

摩尼妙寶芬陀利 一切水中咸徧滿

其華種種各不同 悉現光明無盡歇

三世所有諸莊嚴 摩尼果中皆顯現

體性無生不可取 此是如來自在力

支那

華嚴經論卷五

三

此地一切莊嚴中

悉現如來廣大身

彼亦不來亦不忞

佛皆願力皆令見

此地一一微塵中

一切佛子修行道

各見所記當來刹

隨其意樂悉清淨

論六爾時已下五行半經二十行頌明香河兩

間平地具樹華果衆妙莊嚴芬陀利華此云百葉

白蓮華

經爾時普賢菩薩復告大衆言諸佛子諸佛世尊世

界海莊嚴不可思議何以故諸佛子此華藏莊嚴世

界海一切境界一一皆以世界海微塵數清淨功德

之所莊嚴爾時普賢菩薩欲重宣其義承佛神力觀

察十方而說頌言

此刹海中一切處

悉以衆寶爲嚴飾

發燄騰空布若雲

光明洞徹常彌覆

摩尼吐雲無有盡

十方佛影於中現

神通變化靡暫停

一切菩薩咸來集

一切摩尼演佛音

其音美妙不思議

毗盧遮那智所行

於此寶內恒聞見

清淨光明徧獎尊

莊嚴具中皆現影

變化分身衆圍遶

一切刹海咸周徧

所有化佛皆如幻

求其來處不可得

以佛境界威神力

一切剎中如是現

如來自在神通事

悉徧十方諸國土

以此剎海淨莊嚴

一切皆於寶中見

十方所有諸變化

一切皆如鏡中像

但由如來智所行

神通願力而出生

若有能修普賢行

入於菩薩勝智海

能於一切微塵中

普現其身淨眾剎

不可思議億大劫

親近一切諸如來

如其一切之所行

一剎那中悉能現

諸佛國土如虛空

無等無生無有相

為利眾生普嚴淨

本願力故住其中

論七爾時已下五行經二十行頌都結總歎此世

界海如來無量功德莊嚴

大方廣佛新華嚴經合論卷第二十一

校讎

第一紙

十七行志疑當作智

第二紙

三行志南論作至疑當作智

第二十

一紙

五行同洞復宋藏作周迴復

第二十二紙

十六行萃南藏作萃十九行林

南藏作末

音切

支那

華嚴經合論卷五

五

撰述

洞

戶灰切

復

伏音切

壇

徒于切

墀

常演切

依

丘伽切

芬

分音切

馥

房六切

沮

才與切

映

於命切

徹

丑刻切

麗

力制切

藥

如水切

澄

直陵切

塗

房六切

奧

斬切

陛

有禮切

欄

勒丹切

楯

述尹切

淳

笛令切

競

巨敬切

奏

侯則切

垣

于元切

牆

才良切

繚

了音切

繞

而沼切

𠵽

万音切

歇

許揭切

孛

蒲沒切

縛

符郭切

慣

古患切

御馬監

太監李文進施貴刻此

大方廣佛

華嚴經合論第二十一卷

上海沙

彌海鏡

對長洲徐普書

深水端學堯刻

萬曆庚寅

夏五臺山妙德菴識

大方廣佛新華嚴經合論卷第二十二

唐于闐國三藏沙門實義難陀譯經

唐太原方山長者李通玄造論

唐福州開元寺沙門志寧釐經合論

華藏世界品第五之二

經爾時普賢菩薩復告大衆言諸佛子此中有何等

世界住我今當說諸佛子此十不可說佛刹微塵數

香水海中有一不可說佛刹微塵數世界種安住一

一世界種復有一不可說佛刹微塵數世界諸佛子

彼諸世界種於世界海中各各依住各各形狀各各

支辭

華嚴經合論卷第二十二

體性各各方所各各趣入各各莊嚴各各分齊各各  
行列各各無差別各各力加持諸佛于此世界種或  
有依大蓮萼海住或有依無邊色寶華海住或有依  
一切真珠藏寶纓珞海住或有依香水海住或有依  
一切華海住或有依摩尼寶網海住或有依旋流炎  
海住或有依菩薩寶莊嚴冠海住或有依種種眾生  
身海住或有依一切佛音聲摩尼王海住如是等若  
廣說者有世界海微塵數諸佛子彼一切世界種或  
有作須彌山形或作江河形或作迴轉形或作漩流  
形或作輪輞形或作壇墀形或作樹林形或作樓閣  
形或作山幢形或作普方形或作胎藏形或作蓮華  
形或作佉勒迦形或作眾生身形或作雲形或作諸  
佛相好形或作圓滿光明形或作種種珠網形或作  
一切門闥形或作諸莊嚴具形如是等若廣說者有  
世界海微塵數諸佛子彼一切世界種或有以十方  
摩尼雲爲體或有以眾色燄爲體或有以諸光明爲  
體或有以寶香燄爲體或有以一切寶莊嚴多羅華  
爲體或有以菩薩影像爲體或有以諸佛光明爲體  
或有以佛色相爲體或有以一寶光爲體或有以眾  
寶光爲體或有以一切眾生福德海音聲爲體或有

棋述  
以一切衆生諸業海音聲爲體或有以一切佛境界  
清淨音聲爲體或有以一切菩薩大願海音聲爲體  
或有以一切佛方便音聲爲體或有以一切刹莊嚴  
具成壞音聲爲體或有以無邊佛音聲爲體或有以  
一切佛變化音聲爲體或有以一切衆生善音聲爲  
體或有以一切佛功德海清淨音聲爲體如是等若  
廣說者有世界海微塵數爾時普賢菩薩欲重宣其  
共承佛神力觀察十方而說頌言

刹種堅固妙莊嚴 廣大清淨光明藏  
依止蓮華寶海住 或有住於香海等

須彌成樹壇墀形 一切刹種徧十方  
種種莊嚴形相別 各各布刹而安住  
或有體是淨光明 或是華藏及寶雲  
或有刹種燄所成 安住摩尼不壞藏  
燈雲燄彩光明等 種種無邊清淨色  
或有言音以爲體 是佛所演不思議  
或是願力所出音 神變音聲爲體性  
一切衆生大福業 佛功德音亦如是  
刹種一一差別門 不可思議無有盡  
如是十方皆徧滿 廣大莊嚴現神力

撰述

華嚴經論卷第三

十方所有廣大剎 悉來入此世界種

雖見十方普入中 而實無來無所入

以一剎種入一切 一切入一亦無餘

體相如本無差別 無等無量悉周徧

一切國土微塵中 普見如來在其所

願海言音若雷震 一切衆生悉調伏

佛身周徧一切剎 無數菩薩亦充滿

如來自在無等倫 普化一切諸含識

論八爾時已下三十八行經二十行頌明世界種

體性形狀依住

經爾時普賢菩薩復告大衆言諸佛子此十不可說

佛刹微塵數香水海在華藏莊嚴世界海中如天帝

網分布而住諸佛子此最中央香水海名無邊妙華

光以現一切菩薩形摩尼王幢爲底出大蓮華各一

切香摩尼王莊嚴有世界種而住其上名普照十方

熾然寶光明以一切莊嚴具爲體有十不可說佛刹

微塵數世界於中布列其最下方有世界名最勝光

徧照以一切金剛莊嚴光曜輪爲際依衆寶摩尼華

而住其狀猶如摩尼寶形一切寶華莊嚴雲彌覆其

上佛刹微塵數世界周匝圍遶種種安住種種莊嚴

支那

華嚴經論卷第三

四

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

華嚴經論卷三十一

四

佛號淨眼離垢燈此上過佛刹微塵數世界有世界  
名種種香蓮華妙莊嚴以一切莊嚴具為際依寶蓮  
華網而住其狀猶如師子之座一切寶色珠帳雲彌  
覆其上二佛刹微塵數世界周而圍遶佛號師子光  
勝明此上過佛刹微塵數世界有世界名一切寶莊  
嚴普獎光以香風輪為際依種種寶華纓珞住其形  
八隅妙光摩尼日輪雲而覆其上三佛刹微塵數世  
界周而圍遶佛號淨光智勝幢此上過佛刹微塵數  
世界有世界名種種光明華莊嚴以一切寶王為際  
依眾色金剛尸羅幢海住其狀猶如摩尼蓮華以金

剛摩尼寶光雲而覆其上四佛刹微塵數世界周而  
圍遶純一清淨佛號金剛光明無量精進力善出現  
此上過佛刹微塵數世界有世界名普放妙華光以  
一切寶鈴莊嚴網為際依一切樹林莊嚴寶輪網海  
住其形普方而多有隅角梵音摩尼王雲以覆其上  
五佛刹微塵數世界周而圍遶佛號香光喜力海此  
上過佛刹微塵數世界有世界名淨妙光明以寶王  
莊嚴幢為際依金剛宮殿海住其形四方摩尼輪髻  
帳雲而覆其上六佛刹微塵數世界周而圍遶佛號  
普光自在幢此上過佛刹微塵數世界有世界名眾

支册

華嚴經論卷三十一

五

華嚴莊嚴以種種華莊嚴爲際依一切寶色燄海住其狀猶如樓閣之形一切寶色衣真珠欄楯雲而覆其上七佛刹微塵數世界周匝圍遶純一清淨佛號歡喜海功德名稱自在於此上過佛刹微塵數世界有世界名出生威力地以出一切聲摩尼王莊嚴爲際依種種寶色蓮華座虛空海住其狀猶如因陀羅網以無邊色華網雲而覆其上八佛刹微塵數世界周匝圍遶佛號廣大名稱智海幢此上過佛刹微塵數世界有世界名出妙音聲以心王摩尼莊嚴輪爲際依恒出一切妙音聲莊嚴雲摩尼王海住其狀猶

如梵天身形無量寶莊嚴師子座雲而覆其上九佛刹微塵數世界周匝圍遶佛號清淨月光明相無能摧伏此上過佛刹微塵數世界有世界名金剛幢以無邊莊嚴真珠藏寶纓珞爲際依一切莊嚴寶師子座摩尼海住其狀周圓十須彌山微塵數一切香摩尼華須彌雲彌覆其上十佛刹微塵數世界周匝圍遶純一清淨佛號一切灑海最勝王此上過佛刹微塵數世界有世界名恒出現帝青寶光明以極堅牢不可壞金剛莊嚴爲際依種種殊異華海住其狀猶如半月之形諸天寶帳雲而覆其上十一佛刹微塵

異述  
華嚴經論卷三  
六  
數世界周而圍遶佛號無量功德灑此上過佛刹微塵數世界有世界名炎明燄耀以普炎莊嚴爲際依華旋香水海住狀如華旋種種衣雲而覆其上十二佛刹微塵數世界周而圍遶佛號超釋梵此上過佛刹微塵數世界至此世界名娑婆以金剛莊嚴爲際依種種色風輪所持蓮華網住狀如虛空以普圓滿天宮殿莊嚴虛空雲而覆其上十三佛刹微塵數世界周而圍遶其佛卽是毗盧遮那如來世尊此上過佛刹微塵數世界有世界名寂靜離塵炎以一切寶莊嚴爲際依種種寶衣海住其狀猶如執金剛形無

邊色金剛雲而覆其上十四佛刹微塵數世界周而圍遶佛號徧灑界勝音此上過佛刹微塵數世界有世界名衆妙炎明燈以一切莊嚴帳爲際依淨華網海住其狀猶如卍字之形摩尼樹香水海雲而覆其上十五佛刹微塵數世界周而圍遶純一清淨佛號不可摧伏力普煥幢此上過佛刹微塵數世界有世界名清淨炎徧照以無盡寶雲摩尼王爲際依種種香燄蓮華海住其狀猶如龜甲之形圓炎摩尼輪栴檀雲而覆其上十六佛刹微塵數世界周而圍遶佛號清淨日功德眼此上過佛刹微塵數世界有世界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述  
喜慶經論卷之三

名寶莊嚴藏以一切眾生形摩尼王為際依光明藏  
摩尼王海住其形八隅以一切輪圍山寶莊嚴華樹  
網彌覆其上十七佛刹微塵數世界周而圍遶佛號  
無礙智光明徧照十方此上過佛刹微塵數世界有  
世界各離塵以一切殊妙相莊嚴為際依眾妙華師  
子座海住狀如珠纓以一切寶香摩尼王圓光雲而  
覆其上十八佛刹微塵數世界周而圍遶純一清淨  
佛號無量方便最勝幢此上過佛刹微塵數世界有  
世界各清淨光普照以出無盡寶雲摩尼王為際依  
無量色香燄須彌山海住其狀猶如寶華旋布以無

邊色光明摩尼王帝青雲而覆其上十九佛刹微塵  
數世界周而圍遶佛號普照灑界虛空光此上過佛  
刹微塵數世界有世界各妙寶燄以普光明日月寶  
為際依一切諸天形摩尼王海住其狀猶如寶莊嚴  
具以一切寶衣幢雲及摩尼燈藏網而覆其上二十  
佛刹微塵數世界周而圍遶純一清淨佛號福德相  
光明諸佛子此徧照十方熾然寶光明世界種有如  
是等不可說佛刹微塵數廣大世界各各所依住各  
各形狀各各體性各各方面各各趣入各各莊嚴各  
各分齊各各行列各各無差別各各力加持周而圍

支那  
華嚴經論卷之三

遶所謂十佛刹微塵數迴轉形世界十佛刹微塵數  
江河形世界十佛刹微塵數漩流形世界十佛刹微  
塵數輪輞形世界十佛刹微塵數壇墀形世界十佛  
刹微塵數樹林形世界十佛刹微塵數樓觀形世界  
十佛刹微塵數尸羅幢形世界十佛刹微塵數普方  
形世界十佛刹微塵數胎藏形世界十佛刹微塵數  
蓮華形世界十佛刹微塵數依勒迦形世界十佛刹  
微塵數種種衆生形世界十佛刹微塵數佛相形世  
界十佛刹微塵數圓光形世界十佛刹微塵數雲形  
世界十佛刹微塵數網形世界十佛刹微塵數門闍

形世界如是等有不可說佛刹微塵數此一世界  
各有十佛刹微塵數廣大世界周而圍遶此諸世界  
一一復有如上所說微塵數世界而爲眷屬如是所  
說一切世界皆在此無邊妙花光香水海及圍遶此  
海香水河中

論九爾時以下直至悉末及初都結諸世界種於  
此大蓮華上分布而住并別舉此中心華藏世界  
海有世界種名普煥十方熾然寶光闡上下二十  
重世界於中大意如前已釋

經爾時普賢菩薩復告大衆言諸佛子此無邊妙華

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

莊嚴經卷之三

九

炎香水海東次有香水海名離垢燄藏出大蓮華名一切香摩尼王妙莊嚴有世界種而住其上名徧照刹旋以菩薩行吼音為體此中最下方有世界名宮殿莊嚴幢其形四方依一切寶莊嚴海住蓮華炎網雲彌覆其上佛刹微塵數世界圍遶純一清淨佛號眉間炎徧照此上過佛刹微塵數世界有世界名德華藏其形周圓依一切寶華藥海住真珠幢師子座雲彌覆其上二佛刹微塵數世界圍遶佛號一切無邊灑海慧此上過佛刹微塵數世界有世界名善變化妙香輪形如金剛依一切寶莊嚴鈴網海住種種

莊嚴圓炎雲彌覆其上三佛刹微塵數世界圍遶佛號功德相炎明普照此上過佛刹微塵數世界有世界名妙色炎明其狀猶如摩尼寶輪依無邊色寶香水海住普炎明真珠樓閣雲彌覆其上四佛刹微塵數世界圍遶純一清淨佛號善眷屬出興徧照此上過佛刹微塵數世界有世界名善蓋覆狀如蓮華依金剛香水海住離塵炎明香水雲彌覆其上五佛刹微塵數世界圍遶佛號灑喜無盡慧此上過佛刹微塵數世界有世界名尸利華炎輪其形三角依一切堅固寶莊嚴海住菩薩摩尼冠炎明雲彌覆其上六

支册

莊嚴經卷之三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述 華嚴經論卷之三

佛刹微塵數世界圍遶佛號清淨音光明此上過佛  
刹微塵數世界有世界名寶蓮華莊嚴形如半月依  
一切蓮華莊嚴海住一切寶華雲彌覆其上七佛刹  
微塵數世界圍遶純一清淨佛號功德華清淨眼此  
上過佛刹微塵數世界有世界名無垢皞莊嚴其狀  
猶如寶燈行列依寶皞藏海住常雨香水種種身雲  
彌覆其上八佛刹微塵數世界圍遶佛號慧力無能  
勝此上過佛刹微塵數世界有世界名妙梵音形如  
卍字依寶衣幢海住一切華莊嚴帳雲彌覆其上九  
佛刹微塵數世界圍遶佛號廣大目如空中淨月此

上過佛刹微塵數世界有世界名微塵數音聲其狀  
猶如因陀羅網依一切寶水海住一切樂音寶蓋雲  
彌覆其上十佛刹微塵數世界圍遶純一清淨佛號  
金色須彌燈此上過佛刹微塵數世界有世界名寶  
色莊嚴形如卍字依帝釋形寶王海住日光明華雲  
彌覆其上十一佛刹微塵數世界圍遶佛號迴照灑  
界光明智此上過佛刹微塵數世界有世界名金色  
妙光其狀猶如廣大城郭依一切寶莊嚴海住道場  
寶華雲彌覆其上十二佛刹微塵數世界圍遶佛號  
寶燈音皞幢此上過佛刹微塵數世界有世界名徧

支那

華嚴經論卷之三

熒光明輪狀如華旋依寶衣旋海住佛音聲寶王樓  
閣雲彌覆其上十三佛刹微塵數世界圍遶純一清  
淨佛號蓮華燄徧熒此上過佛刹微塵數世界有世  
界名寶藏莊嚴狀如四洲依寶纓瓔珞須彌住寶燄摩  
尼雲彌覆其上十四佛刹微塵數世界圍遶佛號無  
盡福開敷華此上過佛刹微塵數世界有世界名如  
鏡像普現其狀猶如阿脩羅身依金剛蓮萼海住寶  
冠炎影雲彌覆其上十五佛刹微塵數世界圍遶佛  
號甘露音此上過佛刹微塵數世界有世界名栴檀  
月其形八隅依金剛栴檀寶海住真珠華摩尼雲彌

覆其上十六佛刹微塵數世界圍繞純一清淨佛號  
最勝灑無等智此上過佛刹微塵數世界有世界名  
離垢光明其狀猶如香水旋流依無邊色寶炎海住  
妙香光明雲彌覆其上十七佛刹微塵數世界圍遶  
佛號徧熒虚空光明音此上過佛刹微塵數世界有  
世界名妙華莊嚴其狀猶如旋遶之形依一切華海  
住一切樂音摩尼雲彌覆其上十八佛刹微塵數世  
界圍遶佛號普現勝光明此上過佛刹微塵數世界  
有世界名勝音莊嚴其狀猶如師子之座依金師子  
座海住衆色蓮華藏師子座雲彌覆其上十九佛刹

撰述  
華嚴經名論卷之三  
微塵數世界圍遶佛號無邊功德稱普光明此上過  
佛刹微塵數世界有世界名高勝燈狀如佛掌依寶  
衣服香幢海住日輪音喚寶王樓閣雲彌覆其上二  
十佛刹微塵數世界圍遶純一清淨佛號普照虛空  
燈諸佛子此離垢燄藏香水海南次有香水海名無  
盡光明輪世界種名佛幢莊嚴以一切佛功德海音  
聲爲體此中最下方有世界名愛見華狀如寶輪依  
摩尼樹藏寶王海住化現菩薩形寶藏雲彌覆其上  
佛刹微塵數世界圍遶純一清淨佛號蓮華光歡喜  
面此上過佛刹微塵數世界有世界名妙音佛號須

彌寶燈此上過佛刹微塵數世界有世界名衆寶莊  
嚴光佛號灑界音聲幢此上過佛刹微塵數世界有  
世界名香藏金剛佛號光明音此上過佛刹微塵數  
世界有世界名淨妙音佛號最勝精進力此上過佛  
刹微塵數世界有世界名寶蓮華莊嚴佛號灑城雲  
靄音此上過佛刹微塵數世界有世界名與安樂佛  
號大名稱智慧燈此上過佛刹微塵數世界有世界  
名無垢網佛號師子光功德海此上過佛刹微塵數  
世界有世界名華林幢徧照佛號大智蓮華光此上  
過佛刹微塵數世界有世界名無量莊嚴佛號普眼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

華嚴經疏論卷之三

三

灑界幢此上過佛刹微塵數世界有世界名普光明寶莊嚴佛號勝智大商主此上過佛刹微塵數世界有世界名華王佛號月光明幢此上過佛刹微塵數世界有世界名離垢藏佛號清淨覺此上過佛刹微塵數世界有世界名寶光明佛號一切智虛空燈此上過佛刹微塵數世界有世界名出生寶纓玲佛號諸度福海相光明此上過佛刹微塵數世界有世界名妙輪徧覆佛號調伏一切染著心令歡喜此上過佛刹微塵數世界有世界名寶華幢佛號廣博功德音大名稱此上過佛刹微塵數世界有世界名無量莊

嚴佛號平等智光明功德海此上過佛刹微塵數世界有世界名無盡光莊嚴幢狀如蓮華依一切寶網海住蓮華光摩尼網徧覆其上二十佛刹微塵數世界圍遶純一清淨佛號灑界淨光明諸佛子此無盡光明輪香水海右旋次有香水海名金剛寶燄光世界種名佛光莊嚴藏以稱說一切如來名音聲為體此中最下方有世界名寶燄蓮華其狀猶如摩尼色眉間毫相依一切寶色水漩海住一切莊嚴樓閣雲彌覆其上佛刹微塵數世界圍遶純一清淨佛號無垢寶光明此上過佛刹微塵數世界有世界名光燄

支那

華嚴經疏論卷之三

三

撰述  
藏佛號無礙自在智慧允此上過佛刹微塵數世界  
有世界名寶輪妙莊嚴佛號一切寶允明此上過佛  
刹微塵數世界有世界名栴檀樹華幢佛號清淨智  
允明此上過佛刹微塵數世界有世界名佛刹妙莊  
嚴佛號廣大歡喜音此上過佛刹微塵數世界有世  
界名妙允莊嚴佛號灑界自在智此上過佛刹微塵  
數世界有世界名無邊相佛號無礙智此上過佛刹  
微塵數世界有世界名燄雲幢佛號演說不退輪此  
上過佛刹微塵數世界有世界名眾寶莊嚴清淨輪  
佛號離垢華允明此上過佛刹微塵數世界有世界  
名廣大出離佛號無礙智日眼此上過佛刹微塵數  
世界有世界名妙莊嚴金剛座佛號灑界智大允明  
此上過佛刹微塵數世界有世界名智慧音莊嚴佛  
號智炬允明王此上過佛刹微塵數世界有世界名  
蓮華池溪妙音佛號一切智音喚此上過佛刹微塵  
數世界有世界名種種色允明佛號普允華王雲此  
上過佛刹微塵數世界有世界名妙寶幢佛號功德  
允此上過佛刹微塵數世界有世界名摩尼華毫相  
允佛號音雲此上過佛刹微塵數世界有世界名  
甚溪海佛號十方眾生主此上過佛刹微塵數世界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有世界名須彌炎佛號灑界普智音此上過佛刹微塵數世界有世界名金蓮華佛號福德藏普光明此上過佛刹微塵數世界有世界名寶莊嚴藏形如卍字依一切香摩尼莊嚴樹海住清淨光明雲彌覆其上二十佛刹微塵數世界圍遶純一清淨佛號大變化光明網諸佛子此金剛寶燄香水海右旋次有香水海名帝青寶莊嚴世界種名炎燄十方依一切妙莊嚴蓮華香雲住以無邊佛音聲為體於此最下方有世界名十方無盡色藏輪其狀周迴有無量角佗無邊色一切寶藏海住因陀羅網而覆其上佛刹微

塵數世界圍遶純一清淨佛號蓮華眼光明徧照此上過佛刹微塵數世界有世界名淨妙莊嚴藏佛號無上慧大師子此上過佛刹微塵數世界有世界名出現蓮華座佛號徧照灑界光明王此上過佛刹微塵數世界有世界名寶幢音佛號大功德普名稱此上過佛刹微塵數世界有世界名金剛寶莊嚴藏佛號蓮華日光明此上過佛刹微塵數世界有世界名因陀羅華月佛號灑自在智慧幢此上過佛刹微塵數世界有世界名妙輪藏佛號大喜清淨音此上過佛刹微塵數世界有世界名妙音藏佛號大力善商

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

主此上過佛刹微塵數世界有世界名清淨月佛號  
 須彌炎智慧力此上過佛刹微塵數世界有世界名  
 無邊莊嚴相佛號方便願淨月炎此上過佛刹微塵  
 數世界有世界名妙華音佛號灑海大願音此上過  
 佛刹微塵數世界有世界名一切寶莊嚴佛號功德  
 寶炎明相此上過佛刹微塵數世界有世界名堅固  
 地佛號美音最勝天此上過佛刹微塵數世界有世  
 界名普炎善化佛號大精進寂靜慧此上過佛刹微  
 塵數世界有世界名壽守護莊嚴行佛號見者生歡  
 喜此上過佛刹微塵數世界有世界名栴檀寶華藏

佛號甚深不可動智慧炎徧照此上過佛刹微塵數  
 世界有世界名現種種色相海佛號普放不思議勝  
 義王炎明此上過佛刹微塵數世界有世界名化現  
 十方大光明佛號勝功德威炎無與等此上過佛刹  
 微塵數世界有世界名須彌雲幢佛號極淨光明眼  
 此上過佛刹微塵數世界有世界名蓮華徧照其狀  
 周圍依無邊色微妙香摩尼海住一切乘莊嚴雲而  
 覆其上二十佛刹微塵數世界圍遶純一清淨佛號  
 解脫精進日諸佛子此帝青寶莊嚴香水海右旋次  
 有香水海名金剛輪莊嚴底世界種名妙間錯因陀

羅綱普賢智所生音聲爲體此中下方有世界名  
蓮華綱其狀猶如須彌山形依衆妙華山幢海住佛  
境界摩尼王帝綱雲而覆其上佛刹微塵數世界圍  
遶純一清淨佛號灑身普覺慧此上過佛刹微塵數  
世界有世界名無盡日光明佛號最勝大覺慧此上  
過佛刹微塵數世界有世界名普放妙光明佛號大  
福雲無盡力此上過佛刹微塵數世界有世界名樹  
華幢佛號無邊智灑界音此上過佛刹微塵數世界  
有世界名眞珠蓋佛號波羅蜜師子頻申此上過佛  
刹微塵數世界有世界名無邊音佛號一切智妙覺  
慧此上過佛刹微塵數世界有世界名普見樹峯佛  
號普現衆生前此上過佛刹微塵數世界有世界名  
師子帝綱炎佛號無垢日金色炎燄雲此上過佛刹  
微塵數世界有世界名衆寶間錯佛號帝幢最勝慧  
此上過佛刹微塵數世界有世界名無垢光明地佛  
號一切力清淨月此上過佛刹微塵數世界有世界  
名恒出歡佛功德音佛號如虛空普覺慧此上過佛  
刹微塵數世界有世界名高燄藏佛號化現十方大  
雲幢此上過佛刹微塵數世界有世界名炎嚴衝場  
佛號無等智徧照此上過佛刹微塵數世界有世界

名出生一切寶莊嚴佛號廣度衆生神通王此上過  
 佛刹微塵數世界有世界名允嚴妙宮殿佛號一切  
 義成廣大慧此上過佛刹微塵數世界有世界名離  
 塵寂靜佛號不唐現此上過佛刹微塵數世界有世  
 界名摩尼華幢佛號悅意吉祥音此上過佛刹微塵  
 數世界有世界名普雲藏其狀猶如樓閣之形依種  
 種宮殿香水海住一切寶燈雲彌覆其上二十佛刹  
 微塵數世界圍遶純一清淨佛號最勝覺神通王諸  
 佛子此金剛輪莊嚴底香水海右旋次有香水海名  
 蓮華因陀羅網世界種名普現十方影依一切香摩

尼莊嚴蓮華住一切佛智允音聲為體此中最下方  
 有世界名衆生海寶允明其狀猶如眞珠之藏依一  
 切摩尼纓珞海漩住水允明摩尼雲而覆其上佛刹  
 微塵數世界圍遶純一清淨佛號不思議功德徧照  
 月此上過佛刹微塵數世界有世界名妙香輪佛號  
 無量力幢此上過佛刹微塵數世界有世界名妙允  
 輪佛號灑界允音覺悟慧此上過佛刹微塵數世界  
 有世界名吼聲摩尼幢佛號蓮華允恒坐妙臂此上  
 過佛刹微塵數世界有世界名極堅固輪佛號不退  
 轉功德海允明此上過佛刹微塵數世界有世界名

衆行炎莊嚴佛號一切智普勝尊此上過佛刹微塵  
 數世界有世界名師子座徧契佛號師子炎無量力  
 覺慧此上過佛刹微塵數世界有世界名寶燄莊嚴  
 佛號一切灑清淨智此上過佛刹微塵數世界有世  
 界名無量燈佛號無憂相此上過佛刹微塵數世界  
 有世界名常聞佛音佛號自然勝威炎此上過佛刹  
 微塵數世界有世界名清淨變化佛號金蓮華炎明  
 此上過佛刹微塵數世界有世界名普入十方佛號  
 觀灑界頻申慧此上過佛刹微塵數世界有世界名  
 熾然燄佛號炎燄樹緊那羅王此上過佛刹微塵數

世界有世界名香炎徧契佛號香燈善化王此上過  
 佛刹微塵數世界有世界名無量華聚輪佛號普現  
 佛功德此上過佛刹微塵數世界有世界名衆妙普  
 清淨佛號一切灑平等神通王此上過佛刹微塵數  
 世界有世界名金炎海佛號十方自在大變化此上  
 過佛刹微塵數世界有世界名真珠華藏佛號灑界  
 寶光明不可思議慧此上過佛刹微塵數世界有世  
 界名帝釋須彌師子座佛號勝力炎此上過佛刹微  
 塵數世界有世界名無邊寶普契其形四方依華林  
 海住普雨無邊色摩尼天帝網而覆其上二十佛刹

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述  
大方廣佛新華嚴經合論卷之三

微塵數世界圍遶純一清淨佛號徧照世間最勝音

大方廣佛新華嚴經合論卷第二十二

校讒

第一紙七行此下八行九行有下南北宋論俱無

行旋宋第十行第二紙十四行壞下第四紙一行此下宋

論作旋宋論無音字論無十字六

行有下宋第十紙作廣十行明下南北藏南宋論

俱無第十紙南藏無明字明下北藏無寶字

音切 綱音網龜居為胎音台商式羊嘖音頻摧音昨回

信官柳實施其刻此 大方廣佛新華嚴經合論第二十二卷 武朔沙彌仁 淨校對 長洲徐晉書 活字親十清刻 萬曆庚寅夏五臺山妙德養識

大方廣佛新華嚴經合論卷第二十三

唐于闐國三藏沙門實義難陀譯經

唐太原方山長者李通玄造論

唐福州開元寺沙門志寧釐經合論

華藏世界品第五之三

經諸佛子此蓮萼因陀羅網香水海右旋次有香水

海名積集寶香藏世界種名一切威德莊嚴以一切

佛灑輪音聲為體此中最下方有世界各種種出生

形如金剛依種種金剛山幢住金剛寶炁雲而覆其

上佛刹微塵數世界圍遶純一清淨佛號蓮萼眼此

支那

上過佛刹微塵數世界有世界名喜見音佛號生喜樂此上過佛刹微塵數世界有世界名寶莊嚴幢佛號一切智此上過佛刹微塵數世界有世界名多羅華普獎佛號無垢寂妙音此上過佛刹微塵數世界有世界名變化炎佛號清淨空智慧月此上過佛刹微塵數世界有世界名衆妙間鎔佛號開示福德海密雲相此上過佛刹微塵數世界有世界名一切莊嚴具妙音聲佛號歡喜雲此上過佛刹微塵數世界有世界名蓮華池佛號名稱幢此上過佛刹微塵數世界有世界名一切寶莊嚴佛號嘖伸觀察眼此上

過佛刹微塵數世界有世界名淨妙華佛號無盡金剛智此上過佛刹微塵數世界有世界名蓮萼莊嚴城佛號日藏眼音光明此上過佛刹微塵數世界有世界名無量樹峯佛號一切灑靄音此上過佛刹微塵數世界有世界名日光明佛號開示無量智此上過佛刹微塵數世界有世界名依止蓮萼葉佛號一切福德山此上過佛刹微塵數世界有世界名風音持佛號日耀根此上過佛刹微塵數世界有世界名光明顯現佛號身光音煥此上過佛刹微塵數世界有世界名香靄音金剛寶音獎佛號最勝華開敷相

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

此上過佛刹微塵數世界有世界名帝網莊嚴形如  
欄楯依一切莊嚴海住炎燄樓閣雲彌覆其上二十  
佛刹微塵數世界圍遶純一清淨佛號示現無畏雲  
諸佛子此積集寶香藏香水海右旋次有香水海名  
寶莊嚴世界種名普無垢以一切微塵中佛刹神變  
聲為體此中最下方有世界名淨妙平坦形如寶身  
依一切寶光輪海住種種栴檀摩尼真珠雲彌覆其  
上佛刹微塵數世界圍遶純一清淨佛號難摧伏無  
等幢此上過佛刹微塵數世界有世界名熾然妙莊  
嚴佛號蓮萼慧神通王此上過佛刹微塵數世界有

世界名微妙相輪幢佛號十方大名稱無盡光此上  
過佛刹微塵數世界有世界名燄藏摩尼妙莊嚴佛  
號大智慧見聞皆歡喜此上過佛刹微塵數世界有  
世界名妙華莊嚴佛號無量力最勝智此上過佛刹  
微塵數世界有世界名出生淨微塵佛號超勝梵此  
上過佛刹微塵數世界有世界名普光明變化香佛  
號香象金剛大力勢此上過佛刹微塵數世界有世  
界名光明旋佛號義成壽名稱此上過佛刹微塵數  
世界有世界名寶纓珞海佛號無比光徧照此上過  
佛刹微塵數世界有世界名妙華燈幢佛號究竟功

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

德無礙慧燈此上過佛刹微塵數世界有世界名謙  
巧莊嚴佛號慧日波羅蜜此上過佛刹微塵數世界  
有世界名栴檀華音允明佛號無邊慧灑界音此上  
過佛刹微塵數世界有世界名帝網幢佛號燈允迴  
獎此上過佛刹微塵數世界有世界名淨華輪佛號  
灑界日允明此上過佛刹微塵數世界有世界名大  
威耀佛號無邊功德海灑輪音此上過佛刹微塵數  
世界有世界名同安住寶蓮琴池佛號開示入不可  
思議智此上過佛刹微塵數世界有世界名平坦地  
佛號功德寶允明王此上過佛刹微塵數世界有世

界名香摩尼聚佛號無盡福德海妙莊嚴此上過佛  
刹微塵數世界有世界名微妙允明佛號無等力音  
徧音此上過佛刹微塵數世界有世界名十方普堅  
固莊嚴獎耀其形八隅依心王摩尼輪海住一切寶  
莊嚴帳雲彌覆其上二十佛刹微塵數世界圍遶純  
一清淨佛號普眼大明燈諸佛子此寶莊嚴香水海  
右旋次有香水海名金剛寶聚世界種名灑界行以  
一切菩薩地方便灑音聲為體此中最下方有世界  
名淨允獎耀形如珠貫依一切寶色珠纓海住菩薩  
珠髻允明摩尼雲而覆其上佛刹微塵數世界圍遶

撰述  
華嚴經論卷之三  
純一清淨佛號最勝功德允此上過佛刹微塵數世  
界有世界名妙蓋佛號灑自在慧此上過佛刹微塵  
數世界有世界名寶莊嚴師子座佛號大龍淵此上  
過佛刹微塵數世界有世界名出現金剛座佛號昇  
師子座蓮華臺此上過佛刹微塵數世界有世界名  
蓮華勝音佛號智允普開悟此上過佛刹微塵數世  
界有世界名善慣習佛號持地妙允王此上過佛刹  
微塵數世界有世界名喜樂音佛號灑燈王此上過  
佛刹微塵數世界有世界名摩尼藏因陀羅網佛號  
不空見此上過佛刹微塵數世界有世界名眾妙地

藏佛號燄身幢此上過佛刹微塵數世界有世界名  
金允輪佛號淨治眾生行此上過佛刹微塵數世界  
有世界名須彌山莊嚴佛號一切功德雲音喚此上  
過佛刹微塵數世界有世界名眾樹形佛號寶華相  
淨月覺此上過佛刹微塵數世界有世界名無怖畏  
佛號最勝金允炬此上過佛刹微塵數世界有世界  
名大名稱龍王幢佛號觀等一切灑此上過佛刹微  
塵數世界有世界名示現摩尼色佛號變化日此上  
過佛刹微塵數世界有世界名允燄燈莊嚴佛號寶  
蓋允徧喚此上過佛刹微塵數世界有世界名香允

雲佛號思惟慧此上過佛刹微塵數世界有世界名  
無怨讎佛號精進勝慧海此上過佛刹微塵數世界  
有世界名一切莊嚴具光明幢佛號普現悅意蓮華  
自在王此上過佛刹微塵數世界有世界名毫相莊  
嚴形如半月依須彌山摩尼華海住一切莊嚴熾盛  
允摩尼王雲而覆其上二十佛刹微塵數世界圍遶  
純一清淨佛號清淨眼諸佛子此金剛寶聚香水海  
右旋次有香水海名天城寶堞世界種名燈燄光明  
以普示一切平等濃輪音爲體此中最下方有世界  
名寶月光燄輪形如一切莊嚴具依一切寶莊嚴華

海住琉璃色師子座雲而覆其上佛刹微塵數世界  
圍遶純一清淨佛號日月自在光此上過佛刹微塵  
數世界有世界名須彌寶允佛號無盡濃寶幢此上  
過佛刹微塵數世界有世界名衆妙光明幢佛號大  
華聚此上過佛刹微塵數世界有世界名摩尼光明  
華佛號人中最自在此上過佛刹微塵數世界有世  
界名普音佛號一切智徧照此上過佛刹微塵數世  
界有世界名大樹緊那羅音佛號無量福德自在龍  
此上過佛刹微塵數世界有世界名無邊淨光明佛  
號功德寶華光此上過佛刹微塵數世界有世界名

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

華嚴經疏卷之三

六

最勝音佛號一切智莊嚴此上過佛刹微塵數世界  
有世界名衆寶間飾佛號寶燄須彌山此上過佛刹  
微塵數世界有世界名清淨須彌音佛號出現一切  
行光明此上過佛刹微塵數世界有世界名香水蓋  
佛號一切波羅蜜無礙海此上過佛刹微塵數世界  
有世界名師子華網佛號寶燄幢此上過佛刹微塵  
數世界有世界名金剛妙華燈佛號一切大願炎此  
上過佛刹微塵數世界有世界名一切灑灑明地佛  
號一切灑灑大真實義此上過佛刹微塵數世界有  
世界名真珠旆平坦莊嚴佛號勝慧光明網此上過

佛刹微塵數世界有世界名琉璃華佛號寶積幢此  
上過佛刹微塵數世界有世界名無量妙炎輪佛號  
六威力智海藏此上過佛刹微塵數世界有世界名  
明見十方佛號淨修一切功德幢此上過佛刹微塵  
數世界有世界名可愛樂梵音形如佛手依寶炎網  
海住菩薩身一切莊嚴雲而覆其上二十佛刹微塵  
數世界圍遶純一清淨佛號普照灑灑界無礙炎

論十此第九卷經都有十箇二十重世界種遶此  
中心世界種總都有十一箇二十重世界種於中

意趣前已釋畢

支那

華嚴經疏卷之三

七

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述 華嚴經論卷之三

經爾時普賢菩薩復告大衆言諸佛子彼離垢燄藏香水海東次有香水海名變化微妙身此海中有世界種名叢布差別方次有香水海名金剛眼幢世界種名莊嚴灑界橋次有香水海名種種蓮華妙莊嚴世界種名恒出十方變化次有香水海名無間寶王輪世界種名寶蓮華莖密雲次有香水海名妙香燄普莊嚴世界種名毗盧遮那變化行次有香水海名寶珠閻浮幢世界種名諸佛護念境界次有香水海名一切色熾然炎世界種名最勝炎徧熒次有香水海名一切莊嚴具境界世界種名寶燄燈如是等不

可說佛刹微塵數香水海其最近輪圍山香水海名頗梨地世界種名常放光明以世界海清淨劬音聲爲體此中最下方有世界名可愛樂淨光幢佛刹微塵數世界圍遶純一清淨佛號最勝三昧精進慧此上過十佛刹微塵數世界與金剛幢世界齊等有世界名香莊嚴幢十佛刹微塵數世界圍遶純一清淨佛號無障礙灑界燈此上過三佛刹微塵數世界與娑婆世界齊等有世界名放光藏佛號徧灑界無障礙慧明此上過七佛刹微塵數世界至此世界種最上方有世界名最勝身香二十佛刹微塵數世界圍

支那

華嚴經論卷之三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

逶純一清淨佛號覺分華諸佛子彼無盡光明輪香水海外次有香水海名具足妙光世界種名徧無垢次有香水海名光耀蓋世界種名無邊普莊嚴次有香水海名妙寶莊嚴世界種名香摩尼軌度形次有香水海名出佛音聲世界種名善建立莊嚴次有香水海名香幢須彌藏世界種名光明徧滿次有香水海名栴檀妙光明世界種名華燄輪次有香水海名風力持世界種名寶燄雲幢次有香水海名帝釋身莊嚴世界種名真珠藏次有香水海名平坦嚴淨世界種名毗琉璃秣種種莊嚴如是等不可說佛刹微

塵數香水海其最近輪圍山香水海名妙樹華世界種名出生諸方廣大刹以一切佛摧伏魔音為體此中最下方有世界名燄炬幢佛號世間功德海此上過十佛刹微塵數世界與金剛幢世界齊等有世界名出生寶佛號師子力寶雲此上與娑婆世界齊等有世界名衣服幢佛號一切智海王於此世界種最上方有世界名寶纓珞師子光明佛號善變化蓮華幢諸佛子彼金剛燄光明香水海外次有香水海名一切莊嚴具瑩飾幢世界種名清淨行莊嚴次有香水海名一切寶華光耀海世界種名功德相莊嚴次

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有香水海名蓮華開敷世界種名菩薩摩尼冠莊嚴  
次有香水海名妙寶衣服世界種名淨珠輪次有香  
水海名可愛華徧照世界種名百光雲照耀次有香  
水海名徧虛空大光明世界種名寶光普照次有香  
水海名妙華莊嚴幢世界種名金月眼纓珞次有香  
水海名真珠香海藏世界種名佛光明次有香水海  
名寶輪光明世界種名善化現佛境界光明如是等  
不可說佛刹微塵數香水海其最近輪圍山香水海  
名無邊輪莊嚴底世界種名無量方差別以一切國  
土種種言說音為體此中最下方有世界名金剛華

蓋佛號無盡相光明菴門音此上過十佛刹微塵數  
世界有世界與金剛幢世界齊等名出生寶衣幢佛  
號福德雲大威勢此上與娑婆世界齊等有世界名  
眾寶具妙莊嚴佛號勝慧海於此世界種最上方有  
世界名曰光明衣服幢佛號智日蓮華雲諸佛子彼  
帝青寶莊嚴香水海外次有香水海名阿脩羅宮殿  
世界種名香水光所持次有香水海名寶師子莊嚴  
世界種名徧示十方一切寶次有香水海名宮殿色  
光明雲世界種名寶輪妙莊嚴次有香水海名出大  
蓮華世界種名妙莊嚴徧照灑界次有香水海名燈

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

談妙眼世界種名徧觀察十方變化次有香水海名  
 不思議莊嚴輪世界種名十方光明普名稱次有香  
 水海名寶積莊嚴世界種名燈光明耀次有香水海  
 名清淨寶光明世界種名須彌無能為礙風次有香  
 水海名寶衣欄楯世界種名如來身光明如是等不  
 可說佛刹微塵數香水海其最近輪圍山香水海名  
 樹莊嚴幢世界種名安住帝網以一切菩薩智地音  
 聲為體此中最下方有世界名妙金色佛號香燄勝  
 威炎此上過十佛刹微塵數世界與金剛幢世界齊  
 等有世界名摩尼樹華佛號無礙音現此上與娑婆

世界齊等有世界名毗琉璃妙莊嚴佛號法自在堅  
 固慧於此世界種最上方有世界名梵音妙莊嚴佛  
 號蓮華開敷光明王諸佛子彼金剛輪莊嚴底香水  
 海外次有香水海名化現蓮華處世界種名國土平  
 正次有香水海名摩尼光世界種名徧灑界無迷惑  
 次有香水海名衆妙香日摩尼世界種名普現十方  
 次有香水海名恒納寶流世界種名普行佛言音次  
 有香水海名無邊溪妙音世界種名無邊方差別次  
 有香水海名堅實積聚世界種名無量處差別次有  
 香水海名清淨梵音世界種名普清淨莊嚴次有香

水海名栴檀欄楯音聲藏世界種名迴出幢次有香水海名妙香寶王光莊嚴世界種名普現光明力諸佛子彼蓮華因陀羅網香水海外次有香水海名銀蓮華妙莊嚴世界種名普徧行次有香水海名毗琉璃竹密燄雲世界種名普出十方音次有香水海名十方光燄聚世界種名恒出變化分布十方次有香水海名出現真金摩尼幢世界種名金剛幢相次有香水海名平等大莊嚴世界種名灑界勇猛旋次有香水海名寶華叢無盡光世界種名無邊淨光明次有香水海名妙金幢世界種名演說微密處次有香

水海名光影徧照世界種名普莊嚴次有香水海名寂音世界種名現前坐布如是等不可說佛刹微塵數香水海其最近輪圍山香水海名密燄雲幢世界種名一切光莊嚴以一切如來衛場衆會音爲體於此最下方有世界名淨眼莊嚴佛號金剛月徧照十方此上過十佛刹微塵數世界與金剛幢世界齊等有世界名蓮華德佛號大精進善覺慧此上與娑婆世界齊等有世界名金剛密莊嚴佛號娑羅王幢此上過七佛刹微塵數世界有世界名淨海莊嚴佛號威德絕倫無能制伏諸佛子彼積集寶香藏香水海

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

外次有香水海名一切寶光明徧照世界種名無垢  
稱莊嚴次有香水海名眾寶華開敷世界種名虛空  
相次有香水海名吉祥幄徧照世界種名無礙光普  
莊嚴次有香水海名栴檀樹華世界種名普現十方  
旋次有香水海名出生妙色寶世界種名勝幢周徧  
行次有香水海名普生金剛華世界種名現不思議  
莊嚴次有香水海名心王摩尼輪嚴飾世界種名示  
現無礙佛光明次有香水海名積集寶纓珞世界種  
名淨除疑次有香水海名真珠輪普莊嚴世界種名  
諸佛願所流如是等不可說佛刹微塵數香水海其

最近輪圍山香水海名閻浮檀寶藏輪世界種名普  
音幢以入一切智門音聲為體此中最下方有世界  
名華藥燄佛號精進施此上過十佛刹微塵數世界  
與金剛幢世界齊等有世界名蓮華光明幢佛號一  
切功德最勝心王此上過三佛刹微塵數世界與娑  
婆世界齊等有世界名十力莊嚴佛號壽出現無量  
功德王於此世界種最上方有世界名摩尼香山幢  
佛號廣大善眼淨除疑諸佛子彼寶莊嚴香水海外  
次有香水海名持須彌光明藏世界種名出生廣大  
雲次有香水海名種種莊嚴大威力境界世界種名

無礙淨莊嚴次有香水海名密布寶蓮等世界種名  
最勝燈莊嚴次有香水海名依止一切寶莊嚴世界  
種名曰光明網藏次有香水海名眾多嚴淨世界種  
名寶華依處次有香水海名極聰慧行世界種名最  
勝形莊嚴次有香水海名持妙摩尼峯世界種名普  
淨虛空藏次有香水海名大光徧照世界種名帝青  
炬光明次有香水海名可愛摩尼珠克滿徧照世界  
種名普吼聲如是等不可說佛刹微塵數香水海其  
最近輪圍山香水海名出帝青寶世界種名周徧無  
差別以一切菩薩震吼聲為體此中最下方有世界

名妙勝藏佛號最勝功德慧此上過十佛刹微塵數  
世界與金剛幢世界齊等有世界名莊嚴相佛號超  
勝大光明此上與娑婆世界齊等有世界名琉璃輪  
昔莊嚴佛號須彌燈於此世界種最上方有世界名  
華幢海佛號無盡變化妙慧雲諸佛子彼金剛寶聚  
香水海外次有香水海名崇飾寶埤現世界種名秀  
出寶幢次有香水海名寶幢莊嚴世界種名現一切  
光明次有香水海名妙寶雲世界種名一切寶莊嚴  
光明徧照次有香水海名寶樹華莊嚴世界種名妙  
華間飾次有香水海名妙寶衣莊嚴世界種名光明

海次有香水海名寶樹峯世界種名寶燄雲次有香水海名示現炎明世界種名入金剛無所礙次有香水海名蓮華普莊嚴世界種名無邊岸海淵次有香水海名妙寶莊嚴世界種名普示現國土藏如是等不可說佛刹微塵數香水海其最近輪圍山香水海名不可壞海世界種名妙輪間鎔蓮華場以一切佛力所出音爲體此中最下方有世界名最妙香佛號變化無量塵數炎此上過十佛刹微塵數世界與金剛幢世界齊等有世界名不思議差別莊嚴門佛號無量智此上與娑婆世界齊等有世界名十方炎明

妙華藏佛號師子眼炎燄雲於此最上方有世界名海音聲佛號水天炎燄門諸佛子彼天城寶璈香水海外次有香水海名燄輪赫奔炎世界種名不可說種種莊嚴次有香水海名寶塵路世界種名普入無量旋次有香水海名具一切莊嚴世界種名寶炎徧暎次有香水海名布眾寶網世界種名安布深密次有香水海名妙寶莊嚴幢世界種名世界海明了音次有香水海名日宮清淨影世界種名徧入因陀羅網次有香水海名一切鼓樂美妙音世界種名圓滿平正次有香水海名種種妙莊嚴世界種名淨密炎

燄雲次有香水海名徧寶燄燈世界種名道佛本願種種形如是等不可說佛刹微塵數香水海其最近輪圍山香水海名積集纓珞衣世界種名化現妙衣以三世一切佛音聲爲體此中最下方有香水海名因陀羅華藏世界名發生歡喜佛刹微塵數世界圍遶純一清淨佛號堅悟智此上過十佛刹微塵數世界與金剛幢世界齊等有世界名寶網莊嚴十佛刹微塵數世界圍遶純一清淨佛號無量歡喜炎此上過三佛刹微塵數世界與娑婆世界齊等有世界名寶蓮華師子座十三佛刹微塵數世界圍遶佛號最清淨不空聞此上過七佛刹微塵數世界至此世界種最上方有世界名寶色龍光明二十佛刹微塵數世界圍遶純一清淨佛號徧灑界普照明

論第十一此第十卷中總舉一百箇世界種圍遶中心十一箇二十重世界種布剎而住近輪圍山十箇世界種上下四重高下與此中心十一箇世界種相似中間相去極遠自餘九十箇世界種不云重數大數有一百一十一箇世界種於中表意如前已釋

經諸佛子如是十不可說佛刹微塵數香水海中

十不可說佛刹微塵數世界種皆依現一切菩薩形  
 摩尼王幢莊嚴蓮華住各各莊嚴際無有間斷各各  
 放寶色光明各各光明雲而覆其上各各莊嚴具各  
 各劫差別各各佛出現各各演灑海各各衆生徧克  
 滿各各十方普趣入各各一切佛神力所加持此一  
 一世界種中一切世界依種種莊嚴住遞相接連成  
 世界網於華藏莊嚴世界海種種差別周徧建立爾  
 時普賢菩薩欲重宣其義承佛威力而說頌言

華藏世界海 灑界等無別 莊嚴極清淨  
 安住於虛空 此世界海中 刹種難思議

一一皆自在	各各無雜亂	華藏世界海
刹種善安布	殊形異莊嚴	種種相不同
諸佛變化音	種種爲其體	隨其業力現
刹種妙嚴飾	須彌山城網	水漩輪圍形
廣大蓮華開	彼彼互圍遶	山幢樓閣形
旋輪金剛形	如是不思議	廣大諸刹種
大海真珠燄	光網不思議	如是諸刹種
悉在蓮華住	一一諸刹種	光網不可說
光中現衆刹	普徧十方海	一切諸刹種
所有莊嚴具	國土悉入中	普見無有盡

刹種不思議 世界無邊際 種種妙嚴好  
 皆由大德力 一切刹種中 世界不思議  
 或成或有壞 或有已壞滅 譬如林中葉  
 有生亦有落 如是刹種中 世界有成壞  
 譬如依樹林 種種果差別 如是依刹種  
 種種眾生住 譬如種子別 生果各殊異  
 業力差別故 眾生刹不同 譬如心王寶  
 隨心見眾色 眾生心淨故 得見清淨刹  
 譬如大龍王 興雲徧虛空 如是佛願力  
 出生諸國土 如幻師呪術 能現種種事

眾生業力故 國土不思議 譬如眾續像  
 畫師之所作 如是一切刹 心畫師所成  
 眾生身各異 隨心分別起 如是刹種種  
 莫不皆由業 譬如見導師 種種色差別  
 隨眾生心行 見諸刹亦然 一切諸刹際  
 周布蓮華網 種種相不同 莊嚴悉清淨  
 彼諸蓮華網 刹網所安住 種種莊嚴事  
 種種眾生居 或有刹土中 險惡不平坦  
 由眾生煩惱 於彼如是見 穢染及清淨  
 無量諸刹種 隨眾生心起 菩薩力所持

或有刹土中 襍染及清淨 斯由業力起

菩薩之所化 有刹放光明 離垢寶所成

種種妙嚴飾 諸佛令清淨 一一刹種中

劫燒不思議 所現雖敗惡 其處常堅固

由眾生業力 出生多刹土 依止於風輪

及以水輪住 世界灑如是 種種見不同

而實無有生 亦復無滅壞 一一心中

出生無量刹 以佛威神力 悉見淨無垢

有刹泥土成 其體甚堅硬 罽闍無炎罽

惡業者所居 有刹金剛成 襍染大憂怖

苦多而樂少 薄福之所處 或有用鐵成

或以赤銅作 石山險可畏 罪惡者克滿

刹中有地獄 眾生苦無抹 常在罽闍中

燄海所燒然 或復有畜生 種種醜陋形

由其自惡業 常受諸苦惱 或見閻羅界

飢渴所煎逼 登上大火山 受諸極重苦

或有諸刹土 七寶所合成 種種諸宮殿

斯由淨業得 汝應觀世間 其中人與天

淨業果成就 隨時受快樂 一一毛孔中

億刹不思議 種種相莊嚴 未曾有迫隘

眾生各各業	世界無量種	於中取著生
受苦樂不同	有刹眾寶成	常放無邊光
金剛妙蓮華	莊嚴淨無垢	有刹光為體
依止光輪住	金色栴檀香	燄雲普熒明
有刹月輪成	香衣悉周布	於一蓮華內
菩薩皆克滿	有刹眾寶成	色相無諸垢
譬如天帝網	光明恒熒耀	有刹香為體
或是金剛華	摩尼光影形	觀察甚清淨
或有難思刹	華旋所成就	化佛皆克滿
菩薩普光明	或有清淨刹	悉是眾華樹

妙枝布衢場	蔭以摩尼雲	有刹淨光熒
金剛華所成	有是佛化音	無邊剎成網
有刹如菩薩	摩尼妙寶冠	或有如座形
從化光明出	或是栴檀林	或是眷間光
或佛光中音	而成斯妙刹	有見清淨刹
以一光莊嚴	或見多莊嚴	種種皆奇妙
或用十國土	妙物作嚴飾	或以千土中
一切為莊校	或以億刹物	莊嚴於一土
種種相不同	皆如影像現	不可說土物
莊嚴於一刹	各各放光明	如來願力起

或有諸國土	願力所淨治	一切莊嚴中
普見眾刹海	諸修普賢願	所得清淨土
三世刹莊嚴	一切於中現	佛子汝應觀
刹種威神力	未來諸國土	如夢悉令見
十方諸世界	過忉國土海	咸於一刹中
現像猶如化	三世一切佛	及其國土
於一刹種中	一切悉觀見	一切佛神力
塵中現眾土	種種悉明見	如影無真實
或有眾多刹	其形如大海	或如須彌山
世界不思議	有刹善安住	其形如帝網

或如樹林形	諸佛滿其中	或作寶輪形
或作蓮華狀	八隅備眾飾	種種悉清淨
或有如座形	或復有三隅	或如依勒迦
城郭梵王身	或如天主髻	或有如半月
或如摩尼山	或如日輪形	或有世界形
譬如香海漩	或作炎明輪	佛咎所嚴淨
或有輪鞞形	或有壇墀形	或如佛毫相
肉髻廣長眼	或有如佛手	或如金剛杵
或如燄山形	菩薩悉周徧	或如師子形
或如海蚌形	無量諸色相	體性各差別

於一刹種中 刹形無有盡 皆由佛願力  
 護念得安住 有刹住一劫 或住於十劫  
 乃至過百千 國土微塵數 或於一劫中  
 見刹有成壞 或無量無數 乃至不思議  
 或有刹有佛 或有刹無佛 或有惟一佛  
 或有無量佛 國土若無佛 他方世界中  
 有佛變化來 為現諸能事 歿天與降神  
 處胎及出生 降魔成正覺 轉無上法輪  
 隨眾生心樂 示現種種相 為轉妙法輪  
 悉應其根欲 一一佛刹中 一佛出興世

經於億千歲 演說無上灑 眾生非灑器  
 不能見諸佛 若有心樂者 一切處皆見  
 一一刹土中 各有佛興世 一切刹中佛  
 億數不思議 此中一一佛 現無量神變  
 悉徧於灑界 調伏眾生海 有刹無炎明  
 累聞多恐懼 苦觸如刀劒 見者自酸毒  
 或有諸天炎 或有宮殿炎 或日月炎明  
 刹網難思議 有刹自炎明 或樹放淨炎  
 未曾有苦惱 眾生福力故 或有山炎明  
 或有摩尼炎 或以燈光明 悉眾生業力

或有佛光明 菩薩滿其中 有是蓮華光

燄色甚嚴好 有刹華光燄 有以香水燄

塗香燒香燄 皆由淨願力 有以雲光燄

摩尼蟬光燄 佛神力光燄 能宣悅意聲

或以寶光燄 或金剛燄 淨音能遠震

所至無眾苦 或有摩尼光 或是嚴具光

或衝場光明 煥耀眾會中 佛放大光明

化佛滿其中 其光普照觸 灑界悉周徧

有刹甚可畏 號叫大苦聲 其聲極酸楚

聞者生猙怖 地獄畜生衢 及以閻羅處

是濁惡世界 恒出憂苦聲 或有國土中

常出可樂音 悅意順其教 斯由淨業得

或有國土中 恒聞帝釋音 或聞梵天音

一切世主音 或有諸刹土 雲中出妙聲

寶海摩尼樹 及樂音徧滿 諸佛圓光內

化聲無有盡 及菩薩妙音 周聞十方刹

不可思議國 普轉法輪聲 願海所出聲

修行妙音聲 三世一切佛 出生諸世界

名號皆具足 音聲無有盡 或有刹中聞

一切佛力音 地度及無量 如是法皆演

普賢誓願力 億刹演妙音 其音若雷震

住劫亦無盡 佛於清淨國 示現自在音

十方法界中 一切無不聞

論十二第十卷經末一段頌都頌已前諸世界海安住虛空或淨或穢純禩同居而不相障皆由業力所起經文廣博不可子納科文文句亂繁障其義趣於中義味大意前已略述餘之廣義經文自具不同小經小經即須多引外文莊飾其義此大部一乘之典餘經義與此多不相應意況與三乘全別不可例此經典此已上十卷經明三度舉果

一前如來始成正覺及座內眾舉佛果行果明佛自證二眷間眾是舉佛中道行果與一切未信者作成信之因三華藏世界海明是所向前座內眾眷間眾所行之行報得之果大意以佛報業之果答前三十七問見果知因使後學者如是倣之行如是行願得如是果報

大方廣佛新華嚴經合論卷第二十三

校譌

第七紙

十一行離垢皦藏香水海東下似闕一箇香水海蓋下文無盡光明輪香水海外等

第八紙

下并最近輪圍山香水海皆有十箇香水海獨此段止有九箇香水海疑有闕文

支那

華嚴經論卷五

三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

華嚴經合論卷第三

音

二行頗梨北 **第十七紙** 三行現南北宋藏俱作見

藏作玻瓈 **第二十一紙** 四行圓南北宋藏俱作圓

六行輪南北 **第二十二紙** 十行明北藏作映十四行蛛北

宋藏俱作轉 **第二十二紙** 藏作蚌十九行號叫北藏作啤

音切

淵烏玄 **怨** 於袁切 **讎** 市流切 **堞** 徒頰切 **魔** 莫和切 **軌** 居水切 **惺**

於角切 **堦** 頻支切 **坭** 研禮切 **續** 胡對切 **燒** 書曜切 **硬** 五要切 **怖** 普切

切 **醜** 昌有切 **隘** 於戒切 **杵** 昌與切 **擘** 蒲項切 **觸** 五欲切 **號** 胡刀切

叫古弔切 **酸** 蘇官切 **楚** 初舉切 **趣** 七千切

嘉胤府南關文昌祠比丘如喜施銀刻此 大方廣佛華嚴經合論第二十三卷 武塘沙彌仁淨校 長洲徐普書 江寧張文刻 萬曆庚寅夏五臺山妙德筆識

### 大方廣佛新華嚴經合論卷第二十四

唐于闐國三藏沙門實義難陀譯經

唐太原方山長者李通玄造論

唐福州開元寺沙門志寧釐經合論

### 毗盧遮那品第六

論將釋此品約作三門分別一釋品來意二釋品

名目三隨文釋義一釋品來意者前之五品以舉

現世毗盧遮那佛果恐不成信何以然者為古無

舊迹今何所來以此引古證今明道不謬故又明

古今諸佛三世凜相似故成其信者不狐疑故二

支那

長安五台山大藏經

釋品名毗盧遮那品者此品依主得名明引古佛成今信還以佛號以爲品名毗云種種遮那云光明言以灑身悲智設種種教行之光破衆生之業暗故問曰古佛今佛爲一爲異答曰爲一爲異何以然者爲灑身智身九七大人之相大慈大悲智慧解脫是一各各衆生發心成佛是異又無量三世諸佛皆同一念成佛無前後際是一然亦不壞一念中見無量衆生三世劫量是異以十玄門六相義該通可解經云一切諸佛身唯一灑身一身一智慧力無畏亦然三隨文釋義者於此一

品經中長科總有十五段經文於此十五段文中有四佛出世總明毗盧遮那一號各隨世間應緣名異非是佛名號異此經下文佛名號品一一佛皆具等灑界衆生界隨緣名號世間一切名號皆是諸佛名爲如來德徧一切灑故猶如虛空徧合衆灑無不淨故一切衆生名入佛名號無不淨故又如麝香名爲爲藏因龍鬪而生燒之一丸凝停七日降金色雨露人身心者悉皆金色一切名言入佛名號者悉皆清淨亦復如是如是佛名號徧一切世界名字故始名毗盧遮那以種種教行之光

徧唎一切以灑眼唎之其長科十五段者

經爾時普賢菩薩復告大眾言諸佛子乃往古世過世界微塵數劫復倍是數有世界海名普門淨光明此世界海中有世界各勝音依摩尼華網海住須彌山微塵數世界而為眷屬其形正圓其地具有無量莊嚴三百重眾寶樹輪圍山所共圍遶一切寶雲而覆其上清淨無垢光明曜耀城邑宮殿如須彌山衣服飲食隨念而至其劫名曰種種莊嚴

論一爾時已下一段八行經明普賢告眾欲說其灑於此段中復分為十一舉古佛所過之劫數二

舉古世界海之名三舉世界海中別有世界之號四舉世界所依住處五舉世界周圍眷屬之數六舉世界形狀七舉世界上莊嚴八舉世界寶樹及山輪圍重數九舉世界城邑宮殿十舉世界人飲食衣服隨念而至及舉劫名此已上但隨文自具不煩夏解

經諸佛子彼勝音世界中有香水海名清淨光明其海中有大蓮華須彌山出現名華燄音莊嚴幢十寶欄楯周而圍遶於其上有一大林名摩尼華枝輪無量華樓閣無量寶臺觀周迴布列無量妙香幢無

標述  
量寶山幢迴極莊嚴無量寶芬陀利華處處敷榮無  
量香摩尼蓮華網周匝垂布樂音和悅香雲映耀數  
各無量不可紀極有百萬億那由他城周匝圍遶種  
種衆生於中止住

論二諸佛子已下有八行半經於中大意義分爲  
八一明勝音世界中香水海及舉其名二明海中  
有華山出現形如須彌三明山上莊嚴有十四明  
山上有一大樹林及舉林名五舉山上五種無量  
衆事莊嚴六明都舉莊嚴難紀七明山上諸城之  
數八明禰類衆生共居云芬陀利華者此云白蓮

華也此上一段文自顯著不煩夏解

經諸佛子此林東有一大城名燄光明人王所都百  
萬億那由他城周匝圍遶清淨妙寶所共成立縱廣  
各有七千由旬七寶爲郭樓櫺卻敵悉皆崇麗七重  
寶壑香水盈滿優鉢羅華波頭摩華拘物頭華芬陀  
利華悉是衆寶處處分布以爲嚴飾寶多羅樹七重  
圍遶宮殿樓閣悉寶莊嚴種種妙網張施其上塗香  
散華芬瑩其中有百萬億那由他門悉寶莊嚴一一  
門前各有四十九寶尸羅幢次第行列復有百萬億  
園林周匝圍遶其中皆有種種禰香摩尼樹香周流

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

善居總論卷之三

四

昔稟眾鳥鵠鳴聽者歡悅此大城中所有居人靡不成就業報神足乘空往來行同諸天心有所欲應念皆至其城次南有一天城名樹華莊嚴其次右旋有大龍城名曰究竟次有夜叉城名金剛勝妙幢次有乾闥婆城名曰妙宮次有阿脩羅城名曰寶輪次有迦樓羅城名妙寶莊嚴次有梵天王城各種種妙莊嚴如是等百萬億那由他數此一一城各有百萬億那由他樓閣所共圍遶一一皆有無量莊嚴

**論**三諸佛子已下十九行半經明林東之城於此段中義分為十一舉城之名二舉人王所居三舉

諸城圍遶四明城體眾寶所成五明城廣狹六明城郭莊嚴悉皆崇麗七明城上下眾事莊嚴言櫓者依音義解云城上守禦曰櫓出頭前引曰敵眾飾高勝曰崇美而可觀曰麗城下遶而長坑深廣者曰壕狹者曰塹優鉢羅華者此云青色華根似藕其葉狹長近下小圓上漸尖似佛眼故其華莖無刺准歡佛中目淨脩廣如青蓮卽是青蓮華葉也波頭摩華此云赤蓮華其華莖有刺拘物頭華其莖有刺或曰赤白華也其華葉頭稍短未開敷時狀如郁感然也芬陀利華者白蓮華也寶多羅

支那

善居總論卷之三

五

樹者

或云無憂樹此之未定檢文未得也

七重圍遶灑事中或一三

五七九契陽數也尸羅此云清淨寶幢

已上莊嚴總為眾寶

八明城中居人九明人得業報神通也所念皆至

十明城四遶天龍乾闥婆等七種禰類諸城所居

及都結城及莊嚴無量問曰此中一種是人非天

龍神何得業報神通衣服飲食隨念而至又所居

高勝依報寶嚴以何業故報得如是答曰為因廣

大故業報廣大為因高勝故業報所居高勝問曰

何者是因廣大高勝答曰為於往因於此毗盧遮

那灑界智體用無依住門性清淨灑而生信心修

信解力常信自他凡聖一體同如來智無所依住

無我無我所心境平等無二相故無我所故一切

凡聖本唯灑界無造作性無生滅性依真而住住

無所住與一切諸佛眾生同一心智住性真灑界

所有分別是一切諸佛本不動智凡聖一真共同

此智全信自心是佛種智及一切智故不於心外

別有信佛之心亦不於自心之內見自心有佛相

故信如斯灑自力未克以此是人獲諸人中一切

勝報以是信力還得毗盧遮那佛在國同居而恒

出現神足通力與天同處一切諸城所居神天龍

八部等皆是同緣於此灑中而生信解故以此信  
因高勝廣大獲得如斯勝妙依正果報故

經諸佛子此寶華枝輪大林之中有一道場名寶華  
徧照以眾大寶分布莊嚴摩尼華輪徧滿開敷然以  
香燈具眾寶色燄雲彌覆光網普照諸莊嚴具常出  
妙寶一切樂中恒奏雅音摩尼寶王現菩薩身種種  
妙華周徧十方其道場前有一大海名香摩尼金剛  
出大蓮華名華藥燄輪其華廣大百億由旬莖葉鬚  
臺皆是妙寶十不可說百千億那由他蓮華所共圍  
遶常放光明恒出妙音周徧十方

論四諸佛子已下有九行經明華枝林中衛場并  
陳嚴飾廣大此林眾華嚴飾常有妙樂之音

經諸佛子彼勝音世界最初劫中有十須彌山微塵  
數如來出興於世其第一佛號一切功德山須彌勝  
雲諸佛子應知彼佛將出現時一百年前此摩尼華  
枝輪大林中一切莊嚴周徧清淨所謂出不思議寶  
燄雲發歎佛功德音演無數佛音聲舒光布網彌覆  
十方宮殿樓閣互相映照寶華光明騰聚成雲復出  
妙音說一切眾生前世所行廣大善根說三世一切  
諸佛名號說諸菩薩所修願行究竟之道說諸如來

轉妙灑輪種種言辭現如是等莊嚴之相顯示如來當出於世其世界中一切諸王見此相故善根成熟悉欲見佛而來衛場

論五諸佛子已下有十二行半經明初劫中佛出現之數并陳初佛名號及舉華枝大林先現之瑞經爾時一切功德山須彌勝雲佛於其衛場大蓮華中忽然出現其身周普等真灑界一切佛刹皆示出生一切衛場悉詣其所無邊妙色具足清淨一切世間無能曠奪具眾寶相一分明一切宮殿悉現其像一切眾生咸得目見無邊化佛從其身出種種色炎克滿世界如於此清淨光明香水海華燄莊嚴幢須彌頂上摩尼華枝輪大林中出現其身而坐於座其勝音世界有六十八億須彌山頂悉亦於彼現身而坐

論六爾時已下有九行半經明初佛蓮華中忽然出現并陳佛身徧坐一切灑界衛場眾生皆見等事問曰何故此佛蓮華化現出興釋迦佛母胎出現答曰隨根所見母胎出現唯劣解眾生自根見爾如離世間品云爲劣解眾生母胎出爾應大根眾生皆見蓮華出現也

經爾時彼佛即於窟間放大光明其光名發起一切  
 善根音十佛刹微塵數光明而為眷屬充滿一切十  
 方國土若有眾生應可調伏其光與觸即自開悟息  
 諸惑熱裂諸蓋網摧諸障山淨諸垢濁發大信解生  
 勝善根永離一切諸難恐怖滅除一切身心苦惱起  
 見佛心趣一切智時一切世間主并其眷屬無量百  
 千蒙佛光明所開覺故悉詣佛所頭面禮足

**論**七爾時已下有八行經明初佛出現放光集眾  
 并陳光德大眾來集

經諸佛子彼燄光明大城中有王名喜見善慧統領

百萬億那由他城夫人姝女三萬七千人福吉祥為

上晉王子五百人別本云二萬五千人大威光為上晉大威光

太子有十千夫人妙見為上晉爾時大威光太子見

佛光明已以管所修善根力故即時證得十種灑門

何謂為十所謂證得一切諸佛功德輪三昧證得一

切佛灑門陀羅尼證得廣大方便藏般若波羅蜜

證得調伏一切眾生大莊嚴大慈證得普雲音大悲

證得生無邊功德最勝心大喜證得如實覺悟一切

灑大捨證得廣大方便平等藏大神通證得增長信

解力大願證得普入一切智光明辯才門爾時大威

撰述

善願經論卷三

卅

炎太子獲得如是灑光明已承佛威力普觀大眾而說頌言

世尊坐衛場 清淨大光明 譬如千日出

普照虛空界 無量億千劫 導師時乃現

佛今出世間 一切所瞻奉 汝觀佛光明

化佛難思議 一切宮殿中 寂然而正受

汝觀佛神通 毛孔出綵雲 燦耀於世間

炎明無有盡 汝應觀佛身 炎網極清淨

現形等一切 徧滿於十方 妙音徧世間

聞者皆欣樂 隨諸眾生語 讚歎佛功德

世尊炎所照 眾生悉安樂 有苦皆滅除

心生大歡喜 觀諸菩薩眾 十方來萃止

悉放摩尼雲 現前稱讚佛 衛場出妙音

其音極深遠 能滅眾生苦 此是佛神力

一切咸恭敬 心生大歡喜 共在世尊前

瞻仰於灑王

論八諸佛子已下有十四行經明炎明大城有人

王名喜見善慧王與眷屬俱集并陳太子威允以

自護根見佛允明得十種灑門具如經說最下三

句明威允說頌歎佛於此十行頌中歎佛之德及

支那

善願經論卷三

卅

德與眾生益如文可知

經諸佛子彼大威炎太子說此頌時以佛神力其聲  
普徧勝音世界時喜見善慧王聞此頌已心大歡喜  
觀諸眷屬而說頌言

汝應速召集 一切諸王眾 王子及大臣

城邑宰官等 普告諸城內 疾應擊大鼓

共集所有人 俱行往見佛 一切四衢道

悉應鳴寶鐸 妻子眷屬俱 共往觀如來

一切諸城郭 宜令悉清淨 普建勝妙幢

摩尼以嚴飾 寶帳羅眾網 妓樂如雲布

嚴備在虛空 處處令克滿 道路皆嚴淨

普雨妙衣服 中馭汝寶乘 與我同觀佛

各各隨自力 普雨莊嚴具 一切如雲布

徧滿虛空中 香燄蓮華蓋 半月寶纓珞

及無數妙衣 汝等皆應雨 須彌香水海

上妙摩尼輪 及清淨栴檀 悉應雨滿空

眾寶華纓珞 莊嚴淨無垢 及以摩尼燈

皆令在空住 一切持向佛 心生大歡喜

妻子眷屬俱 往見世所尊

論九諸佛子已下有兩行半經明威光說頌以佛

神力其聲徧聞父王聞之歡喜說頌於此十一行  
頌中明其謙慧王敕眾令集并令辦供具

經爾時喜見謙慧王與三萬七千夫人姪女俱福吉祥爲上首五百王子俱大威光爲上首六萬大臣俱慧力爲上首如是等七十七百千億那由他眾前後圍遶從燄光明大城出以王力故一切大衆乘空而往諸供養具徧滿虛空至於佛所頂禮佛足卻坐一面復有妙華城謙化幢天王與十億那由他眷屬俱復有究竟大城淨光龍王與二十五億眷屬俱復有金剛勝幢城猛健夜叉王與七十七億眷屬俱復有

無垢城喜見乾闥婆王與九十七億眷屬俱復有妙輪城淨色思惟阿脩羅王與五十八億眷屬俱復有妙莊嚴城十力行迦樓羅王與九十九千眷屬俱復有遊戲快樂城金剛德緊那羅王與十八億眷屬俱復有金剛幢城寶稱幢摩睺羅伽王與三億百千那由他眷屬俱復有淨妙莊嚴城最勝梵王與十八億眷屬俱如是等百萬億那由他大城中所有諸王并其眷屬悉共往詣一切功德須彌勝雲如來所頂禮佛足卻坐一面時彼如來爲欲調伏諸眾生故於眾會衛場海中說普集一切三世佛自在灑脩多羅世

界微塵數脩多羅而為眷屬隨眾生心悉令獲益是時大威光菩薩聞是灑已即獲一切功德須彌勝雲佛宿世所集灑海光明所謂得一切灑聚平等三昧智光明一切灑悉入最初菩提心中住智光明十方灑界普光明藏清淨眼智光明觀察一切佛灑大願海智光明入無邊功德海清淨行智光明趣向不退轉大力速疾藏智光明灑界中無量變化力出離輪智光明決定入無量功德圓滿海智光明了知一切佛決定解莊嚴成就海智光明了知灑界無邊佛現一切眾生前神通海智光明了知一切佛力無所畏

灑智光明爾時大威光菩薩得如是無量智光明已承佛威力而說頌言

我聞佛妙灑	而得智光明	以是見世尊
往管所行事	一切所生處	名號身差別
及供養於佛	如是我咸見	往管諸佛所
一切皆承事	無量劫修行	嚴淨諸刹海
捨施於自身	廣大無涯際	修治最勝行
嚴淨諸刹海	耳鼻頭手足	及以諸宮殿
捨之無有量	嚴淨諸刹海	能於一一刹
億劫不思議	修習菩提行	嚴淨諸刹海

普賢大願力 一切佛海中 修行無量行

嚴淨諸利海 如因日炎暎 還見於日輪

我以佛智炎 見佛所行道 我觀佛刹海

清淨大允明 寂靜證菩提 灑界悉周徧

我當如世尊 廣淨諸利海 以佛威神力

修習菩提行

論十爾時已下有三十四行半經明十王興供見佛并陳所聞脩多羅經威炎獲益脩多羅者此為長行經也最下兩句明威炎說偈此十行頌中明威炎聞灑獲益得宿命智力見佛所行往因之事

并自立願如佛所行

經諸佛子時大威炎菩薩以見一切功德山須彌勝雲佛承事供養故於如來所心得悟了為一切世間顯示如來往管行海顯示往管菩薩行方便顯示一切佛功德海顯示普入一切灑界清淨智顯示一切衛場中成佛自在力顯示佛力無畏無差別智顯示普示現如來身顯示不可思議佛神變顯示莊嚴無量清淨佛土顯示普賢菩薩所有行願令如須彌山微塵數眾生發菩提心佛刹微塵數眾生成就如來清淨國土爾時一切功德山須彌勝雲佛為大威炎

菩薩而說頌言

撰述

華嚴經論卷五十四

四

善哉大威炎 福藏廣名稱 為利眾生故

發趣菩提道 汝獲智炎明 灑界悉克滿

福慧咸廣大 當得深智海 一刹中修行

經於刹塵劫 如汝見於我 當獲如是智

非諸劣行者 能知此方便 獲大精進力

乃能淨刹海 一一微塵中 無量劫修行

彼人乃能得 莊嚴諸佛刹 為一一眾生

輪迴經劫海 其心不疲懈 當成世導師

供養一一佛 悉盡未來際 心無暫疲厭

當成無上道 三世一切佛 當共滿汝願

一切佛會中 汝身安住彼 一切諸如來

誓願無有邊 大智通達者 能知此方便

大允供養我 故獲大威力 令塵數眾生

成熟向善提 諸修普賢行 大名稱菩薩

莊嚴佛刹海 灑界普周徧

論十一諸佛子已下有十一行經明威炎菩薩以

見初佛承事供養故得十種顯示如來所行灑令

須彌山塵數眾生發菩提心功德山須彌勝雲如

來為威炎說頌歎威炎之德於此十一行頌中明

支那

華嚴經論卷五十四

七

功德山如來歎威光所得如佛所行廣大如文可

知

經諸佛子汝等應知彼大莊嚴劫中有恒河沙數小  
 劫人壽命二小劫諸佛子彼一切功德須彌勝雲佛  
 壽命五十億歲彼佛滅度後有佛出世名波羅蜜謹  
 眼莊嚴王亦於彼摩尼華枝輪大林中而成正覺爾  
 時大威光童子見彼如來成等正覺現神通力即得  
 念佛三昧名無邊海藏門即得陀羅尼名大智力灑  
 淵即得大慈名普隨眾生調伏度脫即得大悲名徧  
 覆一切境界雲即得大喜名一切佛功德海威力藏  
 即得大捨名灑性虛空平等清淨即得般若波羅蜜  
 名自性離垢灑界清淨身即得神通名無礙光音隨  
 現即得辯才名善入離垢淵即得智光名一切佛灑  
 清淨藏如是等十千灑門皆得通達爾時大威光童  
 子承佛威力為諸眷屬而說頌言

不可思議億劫中 導世明師難一遇

此土眾生多善利 而今得見第二佛

佛身普放大光明 色相無邊極清淨

如雲克滿一切土 處處稱揚佛功德

光明所照咸歡喜 眾生有苦悉除滅

各令恭敬起慈心

此是如來自在用

出不思議變化雲

放無量色光明網

十方國土皆充滿

此佛神通之所現

一一毛孔現炎雲

普徧虛空發大音

所有幽冥靡不暎

地獄眾苦咸令滅

如來妙音徧十方

一切言音咸具演

隨諸眾生宿諳力

此是大師神變用

無量無邊大眾海

佛於其中皆出現

普轉無盡妙濃輪

調伏一切諸眾生

佛神通力無有邊

一切剎中皆出現

善逝如是智無礙

為利眾生成正覺

汝等應生歡喜心

踊躍愛樂極尊重

我當與汝同詣彼

若見如來眾苦滅

發心迴向趣菩提

慈念一切諸眾生

悉住普賢廣大願

當如濃王得自在

論十二諸佛子已下有十四行半經明莊嚴劫中

佛及人壽命長短初佛去世第二佛出興并明威

允見第二佛得十種利并為眷屬說頌此二十行

頌中明威允歎佛慈悲出世難遇勸其眷屬同往

佛所

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

華嚴經疏卷三十四

經諸佛子大威光童子說此頌時以佛神力其聲無礙一切世界皆悉得聞無量衆生發菩提心時大威光王子與其父母并諸眷屬及無量百千億那由他衆生前後圍遶寶蓋如雲徧覆虛空共詣波羅蜜諸眼莊嚴王如來所其佛爲說灑界體性清淨莊嚴脩多羅世界海微塵等脩多羅而爲眷屬彼諸大衆聞此經已得清淨智名入一切淨方便得於地名離垢光明得波羅蜜輪名示現一切世間愛樂莊嚴得增廣行輪名普入一切刹土無邊光明清淨見得趣向行輪名離垢福德雲光明幢得隨入證輪名一切灑海廣大光明得轉深發趣行名大智莊嚴得灌頂智慧海名無功用修極妙見得顯了大光明名如來功德海相光影徧照得出生願力清淨智名無量願力信解藏時彼佛爲大威光菩薩而說頌言

善哉功德智慧海

發心趣向大菩提

汝當得佛不思議

普爲衆生作依處

汝已出生大智海

悉能徧了一切灑

當以難思妙方便

入佛無盡所行境

已見諸佛功德雲

已入無盡智慧地

諸波羅蜜方便海

大名稱者當滿足

支那

華嚴經疏卷三十四

九

已得方便總持門

及以無盡辯才門

種種行願皆修習

當成無等大智慧

汝已出生諸願海

汝已入於三昧海

當具種種大神通

不可思議諸佛灑

究竟灑界不思議

廣大深心已清淨

普見十方一切佛

離垢莊嚴眾刹海

汝已入我菩提行

管時本事方便海

如我修行所淨治

如是妙行汝皆悟

我於無量一一刹

種種供養諸佛海

如彼修行所得果

如是莊嚴汝咸見

廣大劫海無有盡

一切刹中修淨行

堅固誓願不可思

當得如來此神力

諸佛供養盡無餘

國土莊嚴悉清淨

一切劫中修妙行

汝當成佛大功德

論十三諸佛子已下有十六行經明威光說頌其

聲徧聞威光與眷屬同往佛所得十種利第二佛

為威光說頌此二十行頌中明第二如來歡威光

入道得益所得之益是八地灑門如經云得灌頂

智慧海名無功用修極妙見

經諸佛子波羅蜜諸眼莊嚴王如來入涅槃已喜見

撰述

善哉福德大威炎

善慧王尋亦忝世大威炎童子受轉輪王位彼摩尼  
攀枝輪大林中第三如來出現於世名最勝功德海  
時大威允轉輪聖王見彼如來成佛之相與其眷屬  
及四兵眾城邑聚落一切人民并持七寶俱往佛所  
以一切香摩尼莊嚴大樓閣奉上於佛時彼如來於  
其林中說菩薩普眼炎明行修多羅世界微塵數修  
多羅而為眷屬爾時大威炎菩薩聞此灑已得三昧  
名大福德普炎明得此三昧故悉能了知一切菩薩  
一切眾生過現未來福非福海時彼佛為大威炎菩  
薩而說頌言

善哉福德大威炎

汝等今來至我所

愍念一切眾生海

發勝菩提大願心

汝為一切苦眾生

起大悲心令解脫

當作羣迷所依怙

是名菩薩方便行

若有菩薩能堅固

修諸勝行無厭怠

最勝最上無礙解

如是妙智彼當得

福德允者福幢者

福德處者福海者

普賢菩薩所有願

是汝大允能趣入

汝能以此廣大願

入不思議諸佛海

諸佛福海無有邊

汝以妙解皆能見

文耶

善哉福德大威炎

三

汝於十方國土中 悉見無量無邊佛  
 彼佛往管諸行海 如是一切汝咸見  
 若有住此方僂海 必得入於智地中  
 此是隨順諸佛學 決定當成一切智  
 汝於一切刹海中 微塵劫海修諸行  
 一切如來諸行海 汝皆學已當成佛  
 如汝所見十方中 一切刹海極嚴淨  
 汝刹嚴淨亦如是 無邊願者所當得  
 今此道場眾會海 聞汝願已生欣樂  
 皆入普賢廣大乘 發心迴向趣菩提

無邊國土一一中

悉入修行經劫海

以諸願力能圓滿

普賢菩薩一切行

論十四諸佛子已下有十二行經明第二佛忞世  
 善慧王亦忞世大威光受輪王位第三如來於舊  
 道場出興於世威光見佛聞凜得益第三如來說  
 頌歎威光之德此二十二行頌明第三如來歎威  
 光所得之灑

經諸佛子彼摩尼華枝輪大林中復有佛出號名稱  
 普聞蓮華眼幢是時大威光於此命終生須彌山上  
 寂靜寶宮天城中為大天王名離垢福德幢共諸天

眾俱詣佛所雨寶華雲以為供養時彼如來為說廣  
大方便普門徧唎脩多羅世界海微塵數脩多羅而  
為眷屬時天王眾聞此經已得三昧名普門歡喜藏  
以三昧力能入一切灑實相海獲是益已從道場出  
還歸本處

論十五諸佛子已下有八行半經明第四如來於  
舊道場中出現大威炎忒世生須彌山頂為大天  
王還來見佛獲益而忒此一品經來文未足未有  
結終之處此品但明引古印今毗盧遮那出世之  
灑古今相襲不異又明所信樂道高灑勝人壽命  
長遠福德所居依正果勝見佛聞灑所獲利益勝  
故

大方廣佛新華嚴經合論卷第二十四

校謄

第三紙

十一行迴

第四紙

十六行寶莊嚴下宋南

城名遊戲快樂次有摩喚

羅城名金剛幢二十一字

第七紙

宋論作自第十

四紙

十三行滿宋南

第十六紙

九行土宋

第十七

紙

十七行一切下

第二十一紙

九行終北

音切

縱

足容

櫓

魯

崇

士弓

敵

徒力

壅

七始

攸册

善及至公論卷二十四

三

撰述

事類彙編卷之四

三

萃

秦醉切

妓

奇綺切

馭

與據切

乘

本力切

劣

胡古切

怙

胡古切

禦

與舉切

壕

乎刀切

郁

於六切

感

子六切

信官趙存智施費刻此

大方廣佛華嚴經合論第二十四卷

仁淨校對 長洲徐晉書 進賢洪謀刻

庚寅夏 五臺山妙德菴識

# 大方廣佛新華嚴經合論卷第二十五

唐于闐國三藏沙門實義難陀譯經

唐太原方山長者李通玄造論

唐福州開元寺沙門志寧釐經合論

## 佛名號品第七

論第二會六品經明菩薩信心門於此一會之中

自有序分正說流通今從第十二卷初爾時已下

有四行半經是序分已下至賢首品是正說分賢

首品末有三行半經是流通分第七如來名號品

從此已下至賢首品是第三長科文中以果成信

支那

三藏經卷之三

信自己心是佛分於此一段之中約有六灋以成  
信心佛果以令信者入佛果故一佛名號品令信  
心者信佛名號徧一切世間名知名性離故二四  
聖諦品令信心者自信一切世間苦諦卽聖諦不  
別求故三光明覺品令信心者自以自心光明覺  
暎一切世間無盡大千世界總佛境界自亦同等  
以心隨炁一一暎之心境合一內外見亡初三千  
大千世界已次還以東方爲首炁至東方十三千  
大千世界暎百三千大千世界如是十方十重倍  
倍周迴十方圓暎身心一性無礙徧周同佛境界

一一作意如是觀察然後以無作方便定印之入  
十住初心生如來智慧家爲如來智慧灋王之眞  
子一如光明所照如經具明不可作佛光明自無  
其分須當自以心炁如佛炁開覺其心圓暎灋界  
四問明品令信心者所信之灋門五淨行品令信  
心者所信菩薩初發心時皆發大願爲首又令信  
心者復迴無始妄念以成智海無生滅性六賢首  
品令信心者信佛神力通化無邊得大自在及信  
心之福信此六灋名爲賢首以此六灋觀行相應  
名爲信心皆以不動智佛等十智如來是自心之

果以不動智爲體餘智爲用至下方明文殊師利  
覺首目首十首菩薩等是修行信心者之身此品  
已下至賢首品已來六品經是長科一部經中第  
三以果成信門也爲明初會是舉佛果勸修信諸  
佛所得此第二會一會以果成信信自心是佛與  
果佛不異故至文方明前之已成佛果將用勸修  
此舉佛名號果勸修十方世界無有一名非佛名  
者名體性自解脫故但隨衆生所聞不同故此明  
佛名號徧周卽明於一切名無所著故釋此品作  
三門一釋品來意二釋品名目三隨文釋義一釋

品來意者明前之初會但明如來成等正覺之身  
及智攝生未明如來名號攝生廣狹今此第二會  
普光明殿方明佛果名號攝生故此品須來又爲  
舉佛果名令生信解故此品須來前會明身智徧  
周此會明名身及智俱徧周故初會世主雖問未  
有其答此品答前所問使令生後信者之心令使  
信佛名身及智普徧灑界應機利物契俗破迷故  
成普光明殿約德名殿約殿明德故此品須來於  
此佛名號中約有五緣以成佛號一以灑界自體  
根本智緣以成佛號二約如來示成正覺約自德

緣以成佛號三約如來利生方便緣約位進修以成佛號四明如來以一切眾生隨根所樂緣以成佛號五約灑界體用平等緣一切諸灑總名佛號一以灑界自體根本智以成佛號者如下不動智佛無礙智佛滅闇智佛如是十智佛號是也以此灑界根本智上以施十種之名以成十種信力至位方明廣意大意令眾生達自根本無明本唯如來根本大智令諸眾生頓識本故頓作佛故二約如來示成正覺自德成號者卽十方諸佛示成正覺共同十號所謂如來應供正徧知是又毗盧遮

那是總名是大智光明照耀種種諸灑及種種眾生故故毗云種種盧遮那云徧照三明如來利生方便約位進修緣以成佛號者卽如下舉十箇根本不動智佛以成十信舉十箇月佛下名悉同號之爲月以成十住明割契灑身本智心得清涼爲明此位菩薩契理惑亡得灑性智清涼故約自得益之灑以成佛號十行位中以十箇眼佛下名悉同號之爲眼爲明十行以智知根利生攝益故佛號爲眼以善知根性故皆是約自得益立名爲佛十迴向中以十箇妙佛上名悉同號之爲妙爲明

十迴向位中菩薩進修漸熟妙智現前故佛號爲妙十地同妙已上以明從十信中自信自心分別之智與一切諸佛根本不動智佛本來是一以成信心心外見灑不成信心也從此信已下以三昧力契理會源名爲十住佛號爲月皆是約修行之人所得之灑以成佛號安立五位五十箇佛名五十箇因五十箇果爲當位具因果故成一百重因果爲根本五位中本有五因五果成一百一十重因果灑門不異灑界體不異十信中所信之灑根本不動智佛以爲諸位進修且約如是廣意至下

本位廣明是名隨位進修以成佛號四明如來以一切衆生隨根所樂以成佛號者卽以對現色身等衆生界爲佛爲天爲神爲主爲人爲仙徧衆生界令諸衆生不作惡者總是不可以自凡情所測也總是佛名號徧周五明灑界體用平等一切諸灑總名佛號者爲一切諸灑及以名言自體性離故一切灑自體性離卽灑界性灑界性卽佛號故是故一切灑及名言皆是佛號故爲如來稱此一切灑自性離之灑以成佛故欲廣引經文證義爲此教文弘廣言繫翳本作業者難解但依此經上

下自相契會作業者易解故如三乘中亦說根本智後得智今欲令三乘人迴心指此金色世界不動智佛令使直認是自心能分別智本無所動文殊師利卽是自心善簡擇無相妙慧覺首目首等菩薩卽是自心隨信解中所見之理智如是三乘之人未迴心者定當不信何以故爲立三阿僧祇劫後當得佛故爲直認自身及心總是凡夫但信佛有不動智等不自信自心是根本不動智佛與佛無異以是義故不成此教灑界乘中以根本智爲信心此經信心應當如是直信自心分別之性

是灑界性中根本不動智佛金色世界是自心無染之理文殊師利是自心善簡擇妙慧覺首目首等菩薩是隨信心中理智現前以信因中契諸佛果灑分毫不謬方成信心從此信已以定慧進修經歷十住十行十迴向十地十一地日月歲劫時分無遷灑界如本不動智佛如舊而成一切種智海教化衆生因果不遷時劫不改方成信也若立僧祇定實身是凡夫凡聖二途時劫移改心外有佛不成信心如是已上有此五種佛名號不同問曰名之與號何異答曰有二同別何者爲二約父

母所生幼稚無德且作字呼之爲名有德卽約德立名其名可尊稱之爲號名卽下人不得呼稱其號卽下人得呼稱之故雖有德無德之異亦總屬名收爲名言所攝故若約此經佛號總是約麁約德立名不同世俗也三隨文釋義者於此段中義分爲二一長科三十二品經意第三禪中說十一地一品未來二科當品經意一長科三十二品者從此如來名號品第二會世主起問二十八問已下直至向後如來出現品是世主所問一終因果所答總有三十二品經是答二十八問故以從普

炎明智灑界佛果報居之殿舉佛果名號并舉佛果所行教化眾生四聖諦灑門并舉灑界根本智體佛號不動智佛以成信修直至彼如來出現品三十二品經是信進修行之一終因果之極也明此普炎明智殿佛果至如來出現品此信進修行因果不二故又明此始成正覺果德之上起信心修行至後如來出現品中明灑界無時可隔故以明灑界體中凡夫妄見見無量劫始起信進修行者依眞起行以爲進修經歷五位行門無時可移故若未起信進修行時常謂已前諸佛先已成佛

經無量劫及其以正信力便見十方無量劫已成佛者而自身與彼先成佛者一時成佛無先後故以是義故如來始成正覺時如今凡夫始發菩提心起行進修自行已滿畢竟不離如來初成正覺初出現時爲無情量依本灑界本無時故是故經言信心畢竟二不別者爲灑界性無三世別故以三世時無別以無時故無別以智無別故無別爲不異不動智佛體故妙慧用無別不異文殊善簡擇妙慧故行無別爲從初發心不異十波羅蜜行普賢行而爲修行故大悲無別常教化故大願無

別不捨衆生故四攝無別四無量心無別故三十  
七道品無別以此十種無別故云發心畢竟二不  
別是故發心先心難爲明入此十種信解者難故  
若心外信有他佛得道我是凡夫者卽世間人情  
量是此乃不論信進修行直是生歿長流常隨見  
綱何大苦哉以此如今第二會及初會明始成正  
覺如來出現後三十二品又著如來出現品明始  
終信進修行者與三世佛一時出現明灑界總一  
時故如持寶鏡普臨衆像頓顯現無前後時故  
明於灑界根本佛智境界中頓現衆灑不可將情

量度量作前後解故一依彌勒樓閣中境界初會中始成正覺佛是舉果勸修佛出現品中佛是明諸菩薩進修五位因果行終佛與信位中不動智佛相對故問曰何故諸品諸菩薩說唯阿僧祇品隨好品是佛自說答曰如菩薩加行如五位煩惱無明以如來位中不思議菩薩衆寄成五位菩薩當位自彰次第灑門卽如十慧十林十幢十藏等菩薩是如佛位之內迷灑無明如來自說如此阿僧祇品隨好品是佛位之內無明至佛位內方決此二迷是故無明住地佛位方終如勝鬘經說一

分教綱三乘相似唯不許二乘及淨土菩薩斷得根本無明爲不了無明是根本智故以此一乘教以不動智佛爲信心以此所有修行證照衆灑不同此經故此教明當念初心畢竟心總盡以灑界中無三世故三乘定滿僧祇又三賢十聖進修路別地上加行地前四資糧等佛果定滿僧祇如前已明以此經十住卽見遣加行資糧一時何以故以灑界大智用資其行令行無染以行資糧灑界智體使慣習令熟爲明從凡創見如來理智性故又此五位中修行位位各有佛果隨位慣習處安

立名別三乘教中前位向後位但有菩薩果非佛果故後至位廣明此灑界灑門說之經無量劫不延說之一刹那中亦不促唯迷之者妄作長短延促之解卽不稱應真之心自此如來名號品已吞直至如來出現品總有三十二品經是十信十住十行十迴向十地十一地進修因果以初卽後以後卽初二之位故如大王路其灑常爾非故新體也如文殊師利頌云一念普觀無量劫無空無來亦無住如是了知三世事超諸方便成十力二科當品者於當品中長科爲四

經爾時世尊在摩竭提國阿蘭若灑菩提場中始成正覺於普光明殿坐蓮華藏師子之座妙悟皆滿二行永絕達無相灑住於佛住得佛平等到無障處不可轉灑所行無礙立不思議普見三世與十佛刹微塵數諸菩薩俱莫不皆是一生補處悉從他方而共來集普善觀察諸衆生界灑界世界涅槃界諸業果報心行次第一切文義世出世間有爲無爲過現未來

論一從爾時世尊已下有八行半經明歎德集衆分文分爲二一歎如來德二歎菩薩大衆德從初

歎如來德中爾時已下兩行經是序分敘前初得  
菩提處并普光明殿意明二處不異爲不移本處  
道場而身徧坐一切處故爲菩提場體是灑界體  
故爲普光明殿是灑界報居所都故灑報二體性  
相一真本末因果本無異故由斯道理故重敘古  
人釋云由相近故故須重敘者經意不然又云見  
佛露居龍造普光明殿此義亦不然設有此事是  
三乘之說又云菩提場在熙連河邊與普光明殿  
相去三里在菩提場東南明菩提場是阿蘭若得  
道之處普光明殿是報居之宅此一部之經前後

通灑界品五度重有爾時佛在者意明居處是灑  
界如來身及宮殿莊嚴總是灑界性相根本智不  
二故五度敘意前會已述從妙悟已滿下至普見  
三世於中有兩行半經是正歎佛德妙悟已滿明  
十智徧周自在故二行永絕者有爲無爲二行盡  
故達無相灑取捨盡故住於佛住者過現未來三  
世諸佛共住灑界大智大悲故又如來及十方三  
世諸佛住五種徧周一示成正覺徧周如初會菩  
提場是也二依報正報莊嚴及名號徧周卽第二  
會普光明殿是也三定體徧周卽十定品是也四

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

法苑珠林卷第五

十一

普賢行教徧周卽離世間品是也五瀆界圓滿無礙不思議智用徧周卽瀆界品是也以此五種諸佛徧周故名住佛所住也是故以此義故於此一部之經安立五度爾時佛在摩竭國唯瀆界品少異明重重徧周不離一處一菩提體一瀆界一根本智一時無前後故經文恐失其意五度重敎令後學者不迷其事故明此五徧周總明一際無前後於一刹那際無二念說四十九年中所轉瀆輪兜率天猶未下母胎猶未出已入涅槃不離佛平等者理事無二故到無障處不可轉瀆者明佛常

處生歿不爲業遷故又能轉不遷之瀆也所行無礙者明佛於生歿中皆能同事真俗不礙故立不思議者歎佛道滿行終總無功用任運利生以智自在非思想意識可度量故普見三世者智眼圓滿故非三世中見三世衆生事也從與十佛刹微塵數諸菩薩俱已下至過現未來於中可有四行經歎菩薩德與十佛刹塵數諸菩薩俱者明徒衆圓滿徧瀆界海故俱者同時而至無來來故莫不皆是一生補處者皆十地菩薩故爲十地經等覺位中普賢位熟道滿功終方登佛果故名一生也

支那

法苑珠林卷第五

十一

如纓珞本業經說又從初發心住亦名一生菩薩以初見性現根本智不見有生前後際故名爲一生纓珞經云三賢菩薩灑流水中任運至佛悉從他方而共來集者言他方共來集簡非舊衆皆是不來而到不忒而徧又明前會舉果勸修信他佛果今此第二會明以他佛果解行成其自心信證之道名從他方而共來集爲從前信佛果中來皆一生補處者明於初會信解生至於此會信滿入位優成佛故如龍女善財等由是義故爲他方來皆是一生之衆此乃卽是表入灑之言從他方來

也迷名他方悟名曰來普善觀察諸衆生界灑界世界涅槃界已下此三行經歎所來衆善觀此三種世界無二性故亦知衆生隨煩惱業亦知菩薩隨位煩惱行業等事故餘如經說

經時諸菩薩作是思惟若世尊見愍我等願隨所樂開示佛刹佛住佛刹莊嚴佛灑性佛刹清淨佛所說灑佛刹體性佛威德佛刹成就佛大菩提如十方一切世界諸佛世尊爲成就一切菩薩故令如來種性不斷故救護一切衆生故令諸衆生永離一切煩惱故了知一切諸行故演說一切諸灑故淨除一切穢

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

入菩薩經論卷之三

染故永斷一切疑網故拔除一切希望故滅壞一切  
愛著處故說諸菩薩十住十行十迴向十藏十地十  
願十定十通十頂及說如來地如來境界如來神力  
如來所行如來力如來無畏如來三昧如來神通如  
來自在如來無礙如來眼如來耳如來鼻如來舌如  
來身如來意如來辯才如來智慧如來最勝願佛世  
尊亦為我說

論第二大衆請凜分時諸菩薩作是思惟已下十  
四行半經於中有三十二問義分為二一初有四  
問問四種佛刹二成就大菩提心引十方諸佛勸

說已下有二十八問通問菩薩住地佛眼耳等如  
是等三十二問直至如來出現品是答如經具明  
問曰初會中世主所問與此義多相似但廣略不  
同何故此第二會還復再問如上之問答曰前會  
是世主問舉佛果勸修信佛所得此會是自信自  
身自心是佛及入位修行故須再問前位是普賢  
入定舉果此會即明文殊生起入信之初即明凡  
夫始信為彰信心麤故不入定說十住已去始明  
當位菩薩入定始說以是義故前問雖義理少同  
應緣差別故異前會信他佛得此會自入信修行

支那

華嚴經論卷之三

七

也古人說前會是請此會是問其義不然前後總是其請當請是問故但爲勸修與自入灑事少殊如前會舉如來修行道滿及過忒諸佛已成道者行滿之果此第二會舉十方諸佛根本之智凡聖共有之果卽一切處金色世界一切處不動智佛十智佛等是也明一切諸佛衆生共有此不動智金色是理灑性身也爲信心生滅故言色也以十色世界表之卽是此會所問四種佛刹中一佛住佛刹卽一切諸佛及以一切衆生共所住故爲一切凡聖根本之智舉令一切衆生信自心是佛所

住智故一切諸佛從此信生一切凡夫亦從此起二莊嚴佛灑性佛刹者卽如十住十行十迴向十地十一地隨位各有十箇佛號是也因此自心根本智起信進修行隨位隨行諸波羅蜜莊嚴以莊嚴灑身智身令成熟故以灑身智身用嚴萬行令行無著故名莊嚴佛灑性佛刹三清淨佛所說灑佛刹者如來示成正覺轉灑輪是四體性佛威德佛刹者神通應現隨根出世者是明後二佛刹從前二佛刹起信修行成熟故得以此義故應知十方諸佛共此一遣而得出生故應如是知應如是

信解即得信解成就一如諸佛所信故得是信者如賢首品說勝以手擎三千大千世界住於空中經過一劫明其難信故亦勝供養十方世界塵數諸佛經由一劫功德不如如是信心如已下二十八問經自具答義隱難明者釋之義顯者如文可知此三十二問中有問十通十頂經中但有十通十忍不見頂名剩其十忍少其十頂願佛世尊亦爲我諸菩薩說此兩句結請自此已下如來以神力舉灑顯答

經爾時世尊知諸菩薩心之所念各隨其類爲現神

通現神通已東方過十佛刹微塵數世界有世界名金色佛號不動智彼世界中有菩薩名文殊師利與十佛刹微塵數諸菩薩俱來詣佛所到已作禮即於東方化作蓮華藏師子之座結跏趺坐南方過十佛刹微塵數世界有世界名妙色佛號無礙智彼有菩薩名曰覺首與十佛刹微塵數諸菩薩俱來詣佛所到已作禮即於南方化作蓮華藏師子之座結跏趺坐西方過十佛刹微塵數世界有世界名蓮華色佛號滅闇智彼有菩薩名曰財首與十佛刹微塵數諸菩薩俱來詣佛所到已作禮即於西方化作蓮華藏

師子之座結跏趺坐北方過十佛刹微塵數世界有  
世界名蒼蔔華色佛號威儀智彼有菩薩名寶首與  
十佛刹微塵數諸菩薩俱來詣佛所到已作禮卽於  
北方化作蓮華藏師子之座結跏趺坐東北方過十  
佛刹微塵數世界有世界名優鉢羅華色佛號明相  
智彼有菩薩名功德首與十佛刹微塵數諸菩薩俱  
來詣佛所到已作禮卽於東北方化作蓮華藏師子  
之座結跏趺坐東南方過十佛刹微塵數世界有世  
界名金色佛號究竟智彼有菩薩名目首與十佛刹  
微塵數諸菩薩俱來詣佛所到已作禮卽於東南方

化作蓮華藏師子之座結跏趺坐西南方過十佛刹  
微塵數世界有世界名寶色佛號最勝智彼有菩薩  
名精進首與十佛刹微塵數諸菩薩俱來詣佛所到  
已作禮卽於西南方化作蓮華藏師子之座結跏趺  
坐西北方過十佛刹微塵數世界有世界名金剛色  
佛號自在智彼有菩薩名灑首與十佛刹微塵數諸  
菩薩俱來詣佛所到已作禮卽於西北方化作蓮華  
藏師子之座結跏趺坐下方過十佛刹微塵數世界  
有世界名頗梨色佛號梵智彼有菩薩名智首與十  
佛刹微塵數諸菩薩俱來詣佛所到已作禮卽於下

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

方化作蓮華藏師子之座結跏趺坐上方過十佛刹  
 微塵數世界有世界名平等色佛號觀察智彼有菩  
 薩名賢首與十佛刹微塵數諸菩薩俱來詣佛所到  
 已作禮卽於上方化作蓮華藏師子之座結跏趺坐  
 論第三爾時世尊知諸菩薩心之所念已下四十  
 一行經明如來神通現灑分於此分中義分爲二  
 一明隨類現灑二明約初信心第一隨類現灑中  
 有二一隨五位之中菩薩之類各現十種佛位十  
 住十行十迴向十地十一地中各有隨位佛果名  
 號是二隨一切國刹一切衆生之類各現名號不

同如下文殊師利所說佛號者是第二約信心者  
 卽此當品及通一部總爲信心於此信心總信五  
 位中因果心無滯礙方可以行修行如有教說譬  
 如有人過五百由旬嶮道先知通塞然後行往喻  
 如十信菩薩於信心之中先知五位進修通塞預  
 以願行防之以信自心分別之性本是一切諸佛  
 不動智體用防邪見外取他境故以隨位妄識散  
 動障真智故以禪波羅蜜防之以隨位第八住第  
 八行第八迴向第八地智增滯障寂障真無作大悲  
 故以一百四十大願防之以樂生戒障真智故以

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

四念處觀等三十七助菩提分灑防之及十四諦觀及十二緣生觀防之以十波羅蜜利益眾生恐不弘廣故以四攝四無量灑防之以求自樂果教化眾生不周廣故起十迴向加以大願大慈大悲不捨一切惡道地獄人天徧生其處以防自樂違菩提心有所得故以是義故十信之心總通五位悉皆成信若自信徹趣求無灑不達若也疑心不除豈成信也如此品舉佛果門至賢首品舉佛神通及佛所行行業使初信心者信徹故始各信心今此一部之經頓舉五位因果諸佛果門總成

信也從總信已入位修行方始不迷理智如人造食五味一時頓熟方始食之從初食時五味同食乃至食竟其味不離五也明五位因果十信總明時亦不移本末為信三世一際故畢竟佛果不離初信之灑如依樣畫像等喻可知於此神通示灑門中總有四十一行經長科為十一段第一爾時世尊知諸菩薩已下一行半經明如來知眾所念以神通現灑第二東方過十佛刹塵已下三十九行半經總明十方菩薩來集十方自有分劑不煩夏科於此十方菩薩來眾之中義分為十一舉佛

刹方面二舉佛刹遠近三舉世界名色四舉佛名號五舉上首菩薩之名六明大眾之數七明大眾來已致敬八明隨方化座九明座之名目十明大眾昇座而坐一舉佛方面者在東方東方者爲震卦爲春生爲初明爲長男爲頭爲首爲青龍爲吉慶爲震動明灑事作業動用之初故道俗通用之故先舉東方爲首故方者灑也但取方灑之義動用之始非如世所見執東西南北可得之方一切處東方一切處南方但取其灑故餘准此二舉佛刹遠近者過東方十佛刹微塵數世界之外此

有四義一明十爲圓數爲明遠近無盡二明令信心者知佛境廣大令自心弘博三明佛境徧周如鏡中像互參無礙四明未起信心者以十佛刹塵況喻處迷十無明未達自障佛境界而不現前故舉塵表迷故如涅槃經云釋迦淨土過西方三十二恒河沙世界之外總是表灑之數如會釋已述此云十佛刹微塵世界之外來者明隔十無明十無明中一一無明有無量正使業習主伴相熏煩惱過於世界塵數莫知涯際能障智境故言十佛刹微塵數世界外也來者明從迷入信故號爲來

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

言彼世界中有佛號不動智者為明不動智佛是十方凡聖共有根本之智明於此智能起信心故號之為來此不動智佛一切眾生常有之若取相隨迷即塵障無盡若一念覺迷逢相即淨若虛空但為隨迷稱外悟處言來而實佛刹本無遠近內外等障亦無來無邊佛刹不出毛孔微塵之表令致遠近意令初心者心廣大故言其從彼世界中來又明從迷入悟故言為來也有佛號不動智者明是信者自根本智故由有此智故一切眾生而能發菩提心故以根本智體能了迷性超

信解故超彼迷境稱之曰來如起信論云不思議業相者以依智淨能作一切勝妙境界所謂無量功德之相常無斷絕隨眾生根自然相應種種而見得利益故又云依本覺上而起不覺故又云依於智故生其苦樂如起信論廣明意明一切眾生迷根本智而有世間苦樂灑故為智無性故隨緣不覺苦樂業生為智無性故為苦所纏方能自覺根本無性眾緣無性萬彙自寂若不覺苦時以無性故總不自知有性無性如人因地而倒因地而起一切眾生因自心根本智而倒因自心根本智

而起以是義故如來於此一乘之經頓彰本凜爲  
金色世界明凜身白淨無染頓彰本智號不動智  
佛頓彰文殊師利是自心妙擇之慧餘九箇世界  
九箇智佛九箇菩薩是隨自心信解修行位上進  
修增勝凜身智身隨行異名故從斯自心本不動  
智佛自覺之上見道入位起十住十行十迴向十  
地十一地加行進修凜身智身大願大慈大悲四  
攝四無量十波羅蜜三十七助道分凜從初發心  
根本凜身本不動智體上用資萬行悲願叅融互  
爲資熟凜身資行使令無染行資凜身使令純熟

五位中各各立十箇佛果十箇菩薩明隨位進修  
中約自行所得處佛果菩薩行果立名故非他佛  
號非他菩薩而立其名隨智佛果隨其行果五位  
之上因果各有五十共爲一百通本五位有五箇  
因果共爲一百一十城之凜門故此答前菩薩問  
四種佛刹中佛住佛刹莊嚴凜性清淨佛刹從此  
二佛刹上得示成正覺佛刹神通自在佛威德佛  
刹是故前會世主所問是他毗盧遮那佛得自在  
之因果此第二會菩薩所問是自修行者佛刹菩  
薩行之因果從是已後直至如來出現品是五位

撰述  
勝進菩薩加行自力一終之位明此品是信心進  
趣之因果至出現品是修行位極之因果已上於  
自心根本佛智上而生信進修行故此不動智是  
一切諸佛一切衆生之地以此智故而作衆生以  
此智故而成正覺以此智故隨迷作衆生時於六  
道中隨天上人間及惡道中皆有隨衆生依正之  
果報也隨業麤細不同以此智故隨覺悟時成就  
三乘及灑界圓滿一乘佛果依正妙報若無此智  
元是虛空亦非衆生亦非諸佛故問曰一切衆生  
本有不動智何故不自應真常淨何故隨染答曰

一切衆生以此智故而生三界者爲智無性不能  
自知是智非智善惡苦樂等灑爲智體無性但隨  
緣現如空谷響應物成音無性之智但應緣分別  
以分別故癡愛隨起因癡愛故卽我所病生有我  
所故自他執業便起因執取故號曰末那以末那  
執取故名之爲識因識種子生歿相續以生歿故  
衆苦無量以苦無量方求不苦之道迷不知苦者  
不能發心知苦求真者還是本智會苦緣故方能  
知苦不會苦緣不能知苦知苦緣故方能發心求  
無上道有種性菩薩以宿世先已知苦發心信解

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

種強者雖受人天樂果亦能發心求無上道是故  
因智隨迷因智隨悟是故如人因地而倒因地而  
起正隨迷時名之爲識正隨悟時名之爲智在纏  
名識在覺名智識之與智本無自名但隨迷悟而  
立其名故不可計常計斷名也此智之與識但隨  
迷悟立名若覓始終如空中求迹如影中求人如  
身中求我依住所在終不可得故新長短處所之  
相也如此無明及智無有始終若得菩提時無明  
不滅何以故爲本無故更無有滅若隨無明時不  
動智亦不滅爲本無故亦更無有滅但爲隨色聲

羊ノ子

テと十六